



REPUBLIKA E SHQIPËRISË
GJYKATA E SHKALLËS SË PARË E JURIDIKSIONIT TË PËRGJITHSHËM GJIROKASTËR

ANALIZA VJETORE E
GJYKATËS SË SHKALLËS TË PARË TË JURIDIKSIONIT TË PËRGJITHSHËM GJIROKASTËR
PËR VITIN 2023

Dokumenti Analiza Vjetore e Gjykatës përfaqëson në mënyrë të përmblëdhur analizën e punës së kryer dhe performancën e Gjykatës së Shkallës të Parë të Juridiksionit të Përgjithshëm Gjirokastër gjatë vitit kalendarik 2023, parashtron njëkohësisht problematikat e konstatuara gjatë këtij viti përsa i takon funksionimit të institucionit në tërësi si dhe sfidat për të ardhmen.

I. VEPRIMTARIA GJYQËSORE

1. Ngarkesa dhe lloji i çështjeve gjyqësore.
2. Tendenca e ngarkesës me çështje.
3. Likuidimi/përfundimi i çështjeve.
 - a. Çështjet penale themeli.
 - b. Kërkesa penale.
 - c. Kërkesa penale në seancë paraprake.
 - d. Çështjet civile.
 - e. Kërkesat civile (çështje civile pa palë kundërshtare)
4. Ngarkesa me çështje për gjyqtar.
 - a. Delegimet e gjyqtarëve.
5. Shpejtësia në gjykim.
6. Heqjet dorë nga gjykimi i çështjeve.
7. Përrjashtimet e gjyqtarëve nga gjykimi i çështjeve.

II. MENAXHIMI I LËVIZJES SË ÇËSHTJEVE GJYQËSORE

1. Mbikqyrja e progresit të çështjeve.

III. MENAXHIMI ADMINISTRATIV I GJYKATËS

1. Organika dhe burimet njerëzore.
2. Teknologjia e informacionit.
3. Çështjet e ruajtjes dhe sigurisë në gjykatë.
4. Kryesekretaria dhe ofrimi i shërbimeve nga administrata gjyqësore.
5. Aksesit, transparenca, marrëdhëniet me publikun dhe median.
6. Administrimi i fondeve publike.
7. Marrëdhëniet me institucionet e tjera.

IV. KONKLUZIONE DHE REKOMANDIME

HYRJE

Gjykata e Shkallës së Parë e Juridiksionit të Përgjithshëm Gjirokastër ushtron funksionin e saj në zbatim të Kushtetutës së Republikës së Shqipërisë dhe Ligjit Nr. 98/2016, “Për Organizimin dhe Funksionimin e Pushtetit Gjyqësor në Republikën e Shqipërisë”. Kjo gjykatë për vitin gjyqësor 2023, është përpjekur të plotësojë me korrektësi dhe cilësi detyrat që i ngarkon ligji për të ushtruar veprimtarinë gjyqësore në funksion të dhënies së drejtësisë.

Në raportin analizues të përpiluar do të trajtojmë me hollësi veprimtarinë gjyqësore në tërësi, të gjyqtarëve në veçanti si dhe arritjet dhe përmirësimet që duhet të bëhen për vitin 2024.

Të dhënat e trajtuara në këtë analizë janë marrë nga të dhënat statistikore që disponon Zyra e Kancelarisë si dhe të dhënat që dërgohen në Ministrinë e Drejtësisë dhe Këshillin e Lartë Gjyqësor.

Gjykata e Shkallës së Parë të Juridiksionit të Përgjithshëm Gjirokastër me qendër në Gjirokastër, e cila shtrin veprimtarinë në Qarkun Gjirokastër (Bashkitë Gjirokastër, Libohovë, Dropull) dhe Rrethi Tepelenë (Bashkitë Tepelenë, Memaliaj), Rrethi Përmet (Bashkia Përmet, Këlcyrë) ka në organikën e saj 7 gjyqtarë. Fillimi i vitit 2023 e gjeti gjykatën me 3 gjyqtarë të cilët ushtronin detyrën e tyre :

Znj. Suela Dashi, Z. Gjergji Baçi (i cili me vendimin me nr.520 me date 05.10.2023 , te Këshillit të Lartë Gjyqësor është vendosur transferimi në Gjykatën e Shkallës së Parë të Juridiksionit të Përgjithshëm Elbasan), Z. Arben Dosti (i cili me vendimin me nr.528 me date 11.10.2023 të Këshillit të Lartë Gjyqësor është transferuar pranë Gjykatës së Shkallës të Parë të Juridiksionit të Përgjithshëm Tiranë) , si dhe me mbylljen e Gjykatës të Rrethit Gjyqësor Përmet si pasojë e Hartës së Re Gjyqësore pranë Gjykatës tonë bashkohet edhe gjyqtare Znj. Marjola Beluli .

Në muajin Tetor 2023 u emëruan 2 magjistrate pranë Gjykatës Gjirokastër, Znj.Entela Selmanaj dhe Znj.Nertila Përallaj .

Gjykata nuk është e ndarë në dhoma civile apo penale për shkak të numrit të vogël të gjyqtarëve. Në tre muajorin e parë të vitit 2023 tre gjyqtarët gjykonin çështje : penale , civile, përfshirë edhe kërkesat e seancës paraprake. Tre nga gjyqtarët Suela Dashi, Arben Dosti ,Gjergji Baçi , në mbështetje të nenit 282 të Kodit të Drejtësisë Penale për të Mitur, të miratuar me ligjin nr.37/2017, dhe Udhëzimit nr.79 datë 30.05.2019 të Këshillit të Lartë Gjyqësor, me Vendim te Këshillit të Gjykatës, janë caktuar si gjyqtarë të specializuar për çështjet penale me të mitur, për gjykimin e çështjeve penale me të mitur në konflikt me ligjin ose të mitur viktimë nga vepra penale.

Në fokus të punës së gjykatës ka qenë ofrimi i shërbimeve administrative me qëllim rritjen e besimit të publikut tek institucioni dhe duke ju siguruar qytetarëve akses të vazhdueshëm dhe informacion të plotë mbi veprimtarinë e saj.

I. VEPRIMTARIA GJYQËSORE

1. NGARKESA DHE LLOJI I ÇËSHTJEVE GJYQËSORE.


Gjatë vitit 2023 në Gjykatën e Shkallës së Parë të Juridiksionit të Përgjithshëm Gjirokastër janë paraqitur për shqyrtim në total 3461 çështje (të natyrës penale, penale-administrative, civile dhe familjare). Në numrin e çështjeve për shqyrtim përfshihen 836 çështje të mbartura nga viti 2022 dhe 2625 çështje të regjistruara të reja në vitin 2023.

Nga totali i çështjeve për shqyrtim, për 2252 çështje ka përfunduar gjykimi në vitin 2023, ndërsa 1209 çështje kanë mbetur papërfunduar dhe janë mbartur për gjykim në vitin 2024, sipas tabelës 1.

Tabela.1

Ngarkesa e çështjeve për vitin 2023	Numri i çështjeve
Çështje të gjykuara (përfunduara)	2252
Çështje të mbartura nga viti 2022 në vitin 2023	836
Çështje të regjistruara të reja	2625

Grafiku. 1



Nga totali i çështjeve të gjykuara rezulton se:

1. Në kategorinë penale, ka përfunduar gjykimi për një total prej 1484 çështje. Në këtë numër përfshihen çështje penale themeli, penale të posaçme, kërkesa penale-administrative, kërkesa penale gjatë hetimeve paraprake, në seancë paraprake dhe kërkesa penale gjatë fazës së ekzekutimit të dënimit.

2. Në kategorinë civile ka përfunduar gjykimi për një total prej 768 çështjesh nga te cilat :

- a) Familjare me palë kundërshtare ka përfunduar gjykimi për 210 çështje
- b) Familjare pa palë kundërshtare ka përfunduar gjykimi për 30 çështje
- c) Marrëdhënie pune ka përfunduar gjykimi për 53 çështje
- d) Civile të përgjithshme pa palë kundërshtare ka përfunduar gjykimi për 195 çështje
- e) Civile të përgjithshme me palë kundërshtare ka përfunduar gjykimi 280 çështje .

Nga analiza e të dhënave të mësipërme, referuar organikës (3 gjyqtar) për 3-mujorin e parë të vitit 2023, 3-mujorin e dytë (4 gjyqtar) si dhe 3-mujori i tretë rezulton se ngarkesa me çështje gjyqësore është përballuar nga 4 gjyqtar të gjykatës. Për 3-mujorin e katërt rezulton se janë emëruar dhe dy gjyqtare magjistrate (largohen 2 gjyqtarë për shkak të transferimeve Z.Gjergji Baçi dhe Z.Arben Dosti, përkatësisht pranë Gjykatës së Shkallës së Parë të Juridiksionit të Përgjithshëm Elbasan dhe Tiranë)

Numri i çështjeve penale është i lartë për shkak se Gjykata e Shkallës së Parë të Juridiksionit të Përgjithshëm Gjirokastrë, mbulon kërkesat e të dënuarve në IEVP-Tepelenë, si dhe mbulohen edhe kërkesat e të dënuarve në paraburgimin e IEVP-Tepelenë.


2. TENDENCA E NGARKESËS ME ÇËSHTJE.

Për të parë tendencën e ngarkesës le ti referohemi tabelës 2 të çështjeve për 5 vitet e fundit, duke bërë edhe krahasimet përkatëse:


Tabela.2

Viti	Çështje të regjistruara për gjykim	Çështje të gjykuara	Çështje të mbartura
2019	1995	1550	445
2020	3145	2246	899
2021	3041	2215	826
2022	2267	1611	656
2023	2625	2252	1209

Grafiku.2



Grafiku.3




Raporti i numrit të çështjeve regjistruara në total (përfshirë të mbartura nga viti paraardhës) në 5 vitet e fundit:

Tabela. 3

Çështje të regjistruara në total (penale dhe civile)				
Viti 2019	Viti 2020	Viti 2021	Viti 2022	Viti 2023
1995	3145	3041	2267	2625

Grafiku.4



Numri i çështjeve të gjykuara në 5 vitet e fundit:


Tabela.4

Çështje të gjykuara në total (penale dhe civile)				
Viti 2019	Viti 2020	Viti 2021	Viti 2022	Viti 2023
1550	2246	2215	1611	2252

Të dhënat statistikore për tendencën e ngarkesës me çështje për vitet e fundit tregojnë se në vitin 2023 krahasuar me vitet paraardhëse ka një rritje të çështjeve të gjykuara.

Ngarkesa për vitin kalendarik 2023 vijon të mbetet e lartë për numrin e gjyqtarëve në fakt, që ushtrojnë detyrën pranë Gjykatë së Shkallës të Parë të Juridiksionit të Përgjithshëm Gjyrokastër.

Grafiku.5



3. LIKUJDIMI/PËRFUNDIMI I ÇËSHTJEVE.


Numri i çështjeve të mbartura në fund të vitit, për vitin pasardhës, në pesë vitet e fundit:

Tabela.5

Çështje të mbartura në fund të vitit, për vitin pasardhës (penale dhe civile)				
Viti 2019	Viti 2020	Viti 2021	Viti 2022	Viti 2023
445	899	826	656	1209

Nga analiza e të dhënave statistikore të mësipërme rezulton se në fund të vitit 2023 numri i çështjeve të mbartura është rritur 2 herë krahasuar me vitin paraardhës. Ndërsa për periudhën 2018-2020 vihet re një rritje progresive. Ndryshimi i numrit të çështjeve të mbartura për vitet 2022 dhe 2023 lidhet me largimin e 2 gjyqtarëve. Për rrjedhojë kjo është shoqëruar me rritjen e ngarkesës individuale të gjyqtarëve të mbetur.

Grafiku.6




Në tabelën vijuese, pasqyrohen të dhënat e numrit të çështjeve penale dhe civile, mbetur pa përfunduar në fund të vitit 2023:

Tabela.6

Lloji i çështjeve të mbartura	Numri i çështjeve të papërfunduara në fund të vitit 2023
Civile	673
Penale	536
Totali	1209

Grafiku.7



Norma e zgjidhjes/likuidimit të çështjeve “*Clearance rate*”, (që është raporti i thjeshtë i dalë nga pjesëtimi ndërmjet çështjeve të zgjidhura me çështjet e reja të regjistruara brenda një periudhe vjetore, i shprehur në përqindje), në vitin 2023 është 85.7 %.

- Norma e zgjidhjes së çështjeve tregon nëse gjykata ka qenë e aftë të zgjidhë më shumë çështje se sa janë regjistruar për shqyrtim dhe për rrjedhim nëse edhe një pjesë e çështjeve të mbartura nga viti i mëparshëm janë zgjidhur.

Norma e likuidimit mbi 85.7 % është tregues për likuidimin e çështjeve si Gjykatë. Vlera 85.7 % e *Clearance rate* për vitin 2023 sigurisht që nuk mund të konsiderohet pozitive .

Në fakt, konstatohet që norma e likuidimit të çështjeve penale është më e lartë se norma e likuidimit të çështjeve civile , përkatësisht 95.6 % dhe 71.5 %.

Megjithëse këto norma mund të konsiderohen të pranueshme, kujdes i veçantë nevojitet në menaxhim më aktiv në qarkullimin e çështjeve, pasi në penale *Clearance rate* është rreth 95.6 % .Në qarkullimin e çështjeve civile *Clearance rate* është 71.5.% nuk kanë përfunduar më shumë çështje sesa janë regjistruar të reja.

Gjithsesi, duke patur parasysh edhe ngarkesën me çështje të regjistruara të reja në vitin 2023, si dhe largimin edhe të dy gjyqtarëve gjatë vitit 2023, ne lidhje me situatën e krijuar në gjykatë , ky tregues duhet të ketë ngritje për vitin 2024 .

- Për të gjitha çështjet e shqyrtuara në gjykatë në vitin 2023, norma e përfundimit/likuidimit të çështjeve “*Clearance rate*” është **85.7 %**.

$$\text{Clearance rate}_{total} = \frac{2252 \text{ [numri i çështjeve të gjykuara]}}{2625 \text{ [numri i çështjeve të reja për 2023]}} \times 100\% = 85.7 \%$$

- Për çështjet e natyrës penale, norma e përfundimit/likuidimit të çështjeve “*Clearance rate*” është **95.6 %**

$$\text{Clearance rate}_{penale} = \frac{1484 \text{ [numri i çështjeve të gjykuara]}}{1552 \text{ [numri i çështjeve të reja për 2023]}} \times 100\% = 95.6\%$$

- Për çështjet e natyrës civile, norma e përfundimit/likuidimit të çështjeve “*Clearance rate*” është **71.5 %**

$$\text{Clearance rate}_{civile} = \frac{768 \text{ [numri i çështjeve të gjykuara]}}{1073 \text{ [numri i çështjeve të reja për 2023]}} \times 100\% = 71.5 \%$$

a. Çështje penale themeli.


Nga 1076 çështje të gjykuara të natyrës penale themeli, rezultojnë se 90 raste janë krime, ndërsa me natyrë kundërvajtje penale janë 986 çështje, prej tyre janë gjykuar me trup gjykues të përbërë nga një gjyqtar janë 1060 çështje penale, ndërsa 16 çështje penale janë gjykuar me trup gjykues të përbërë me tre gjyqtarë.

Pas edhe në këto vite në vazhdim, rezultojnë një numër i vogël çështjesh të gjykuara me trup gjykues të përbërë me tre gjyqtarë, për shkak të ndryshimit në nenin 13 të K.Pr.Penale, që lidhet me rritjen e maksimumit të dënimit penal nga 7 vjet në 10 vjet, për çështjet që gjykohen me trup gjykues me tre gjyqtarë.

Tabela.7

Nr.	Natyrë e çështjeve	Numri i çështjeve në vitin 2020	Numri i çështjeve në vitin 2021	Numri i çështjeve në vitin 2022	Numri i çështjeve në vitin 2023
1	Penale themeli	550	302	391	1076
2	Kërkesa penale, kërkesa administrative-penale etj.	692	876	420	408

Grafiku.8




Nga çështjet të gjykuara në lidhje me vendimmarrjen e gjykatës në çështjet e natyrës penale themeli, rezultojnë se gjatë vitit 2023, janë dënuar në total 259 persona, nga të cilët 3 janë gra dhe 256 meshkuj, nga të cilët 4 të mitur në konflikt me ligjin (meshkuj).

Për 18 persona gjykata ka dhënë vendim pafajësie, për 6 persona gjykata ka vendosur pushimin e çështjes penale.

Tabela.8

Vendimmarrja në penale themeli	Viti 2023
Të dënuar	259
Të pafajshëm	18
Pushimin e çështjes	6
Totali i personave të gjykuar	283

Grafiku.9



Gjatë vitit 2023 në Gjykatën e Shkallës së Parë e Juridiksionit të Përgjithshëm Gjirokastër janë gjykuar 4 të mitur në konflikt me ligjin. Në mbështetje të nenit 282 të Kodit të Drejtësisë Penale për të Mitur të miratuar me ligjin nr.37/2017, në zbatim të Udhëzimit nr.79 datë 30.05.2019 të Këshillit të Lartë Gjyqësor, “Për caktimin e gjyqtarëve, për gjykimin e çështjeve penale me të mitur në konflikt me ligjin ose të mitur viktimë nga vepra penale” të gjithë gjyqtarët e Gjykatës Gjirokastër kanë gjykuar çështje penale me të mitur, në konflikt me ligjin ose të mitur viktimë nga vepra penale.

Në tabelën nr. 9, po paraqesim të dhëna lidhur me administrimin e çështjeve penale për vitin 2023, të kategorizuara sipas llojit të çështjes, si dhe mënyra e disponimit për çështjet e gjykuara : me vendim themeli apo me lloje të tjera disponimi.

Tabela.9

	Lloji i çështjes	ADMINISTRIMI I ÇËSHTJEVE				
		Në pritje të gjykit në fillim të periudhës	Çështje të reja të paraqitura në gjykatë	Çështje të gjykuara		
				Çështje të gjykuara gjithsej	Me vendim në themel	Me lloje të tjera disponimi
A.	Krime	22	244	90	90	0
A. 1	Vrasje me dashje (Neni 76,77,78,78/a,79, 79/a,79/b,79/c,81,82,83)	1	0	0	0	0
A. 2	Vjedhje (neni 139, 140, 141)	5	90	55	55	0
A. 3	Dhuna në familje	1	39	25	25	0
A. 4	Krime të kryera nga ose ndaj të miturve	0	0	0	0	0
B.	Kundërvajtje penale	386	939	986	980	6
B. 1	Kundërvajtje penale të kryera nga ose ndaj të miturve	0	2	2	1	1
C.	Çështje penale administrative	60	369	408	400	8
C. 1	Masa sigurimi	1	393	394	394	0
C. 2	Lirim me kusht	7	9	4	4	0
C. 3	Ekstradime	1	2	0	0	0
D.	Çështje të ligjit Antimafia	0	0	0	0	0
E.	ÇËSHTJE PENALE GJITHSEJ (A+B+C+D)	468	1552	1484	1470	14

Rezulton që numri i personave të dënuar gjatë vitit 2023 është 259 , nga të cilët 90 raste janë dënuar për Krime dhe 169 për Kundërvajtje Penale. Gjykata e Shkallës së Parë të Juridiksionit të Përgjithshëm Gjirokastër ka shpallur të pafajshëm 18 persona dhe për 6 persona është vendosur : Pushim Procedimi Penal .

Gjatë vitit 2023 nuk rezulton të jetë dënuar asnjë person me burgim të përjetshëm. Ndërkohë, numri i personave të dënuar masa e aplikuar e dënimit ka qenë :1) me gjobë (67 raste) ose 2) deri në 2 vjet burgim. Dënimi më i aplikuar nga gjykata është dënimi me burgim deri në 2 vjet (148 raste), i cili referuar të dhënave statistikore për figurat e veprave penale, përputhet me rrezikshmërinë e ulët të veprave penale më të përhapura. Në 35 raste është dhënë masa e dënimit 2-5 vjet dhe në 16 raste (5-10 vjet) .

Por për vitin 2023, krahasuar me 2022 bie në sy aplikimi i nenit 59 dhe 63 i K.Penal, si dënime alternative, duke pezulluar dënimin me burgim dhe vënien në provë, i ndjekur nga kryerja e një pune me interes publik pa shpërblim.

Zbatimi i alternativave të dënimit me burgim dhe i procedurave të reja për zgjidhjen e çështjeve penale.

Nën domosdoshmërinë për përmbushjen e qëllimeve që dënimi penal duhet të ketë në individualizimin e dënimeve janë mbajtur parasysh këto parime:

- Parimi i proporcionalitetit
- Parimi i humanizmit
- Parimi i drejtësisë restauruese.

Zakonisht, për autorët e mitur, për të sëmuret, të moshuarit, për autorët jo përsëritës specialë apo të përgjithshëm, për autoret femra dhe për vepra penale me rrezikshmëri konkrete të ulët, janë aplikuar në masë dënimet alternative. Nga dënimet alternative, më shumë është aplikuar pezullimi i ekzekutimit të dënimit dhe vënia në provë sipas nenit 59 të K.Penal, duke vendosur shpesh edhe detyrimi për të dënuarin sipas nenit 60 të K.Penal. Në raste të caktuara është aplikuar edhe neni 63 i K.Penal, i cili për autorët e veprave penale, ka patur avantazhin e rehabilitimit të shpejtë, çka është vlerësuar nisur nga prognoza pozitive për sjelljen e tyre në të ardhmen.

Dënimet alternative nuk janë zbatuar në rastet kur autori ka qenë përsëritës special, kur veprat kanë patur një rrezikshmëri konkrete të konsiderueshme dhe në prani të rrethanave rënduese.

➤ **Kriminaliteti në Rrethin Gjirokastrë**

Nisur nga të dhënat e mësipërme rezulton se kriminaliteti në Rrethin Gjirokastrë, kryesisht karakterizohet nga veprat penale me rrezikshmëri të ulët. Veprat penale më të përhapura në vitin 2023 janë veprat penale si me poshtë vijon:


- **Veprat penale kundër rendit dhe sigurisë publike** gjithsej 192 procedime nga te cilat 9 procedime për “Kultivim të bimëve narkotike”, parashikuar nga neni 284 i K.Penal, 29 procedime për “Prodhim dhe shitje të narkotikeve”, parashikuar nga neni 283 i K.Penal, 22 procedime për “Shkelje të rregullave të qarkullimit rrugor” parashikuar nga neni 290 i K.Penal, 70 procedime për veprën penale “Drejtimi automjeteve në mënyrë të parregullt” parashikuar nga neni 291 i K.Penal, 12 procedime për nenet 278, 278/a, 279, 280 të K.Penal, 36 procedime për nenin 298 të K.Penal, 5 procedime për nenin 277 të K.Penal dhe 9 procedime për nenin 287 të K.Penal etj,
- **Veprat penale kundër pasurisë dhe në sferën ekonomike** gjithsej 131 procedime ku numrin me të madh e zënë ato të parashikuara nga neni 134 i K.Penal (vjedhje pasurisë) 67 procedime, neni 137 i Kodit Penal (Vjedhje energjisë elektrike) 7 procedime, (veprat penale që çenojnë regjimin juridik të tokës dhe të ndërtimeve) 20 procedime, nenet 150-162 (shkatërrimi pronës) 23 procedime, neni 143 i Kodit Penal (mashtrimi) 14 procedime,
- **Krimet kundër jetës dhe shëndetit** 24 procedime, përkatësisht, 3 procedime penale për nenin 79/c të Kodit Penal, 6 procedime penale për nenin 84 të Kodit Penal, 4 procedime penale për nenin 88 të Kodit Penal, 10 procedime për nenin 89 të Kodit Penal dhe 1 procedim për nenin 90 të Kodit Penal.
- **Veprat penale kundër drejtësisë** gjithsej 19 procedime të regjistruara, përkatësisht, 9 procedime penale për nenin 323 të Kodit Penal, 5 procedime penale për nenin 321 të Kodit

Penal, 2 procedime penale për nenin 320 të Kodit Penal dhe nga 1 procedim për nenet 305, 312/a dhe 318 të Kodit Penal.

- **Krimet kundër veprimtarisë shtetërore të kryera nga punonjësit shtetëror** gjithsej 21 procedime ku të gjithë numrin e zënë ato te parashikuara nga neni 248 i K.Penal (Shpërdorimi i detyrës).
- **Krimet në fushën e falsifikimit të dokumentave** gjithsej 14 procedime penale, përkatësisht 9 procedime për nenin 186 të Kodit Penal, 1 procedim për nenin 186/a/1 të Kodit Penal, 2 procedime për nenin 190/1 të Kodit Penal, 1 procedim për nenin 191/1 të Kodit Penal dhe 1 procedim për nenin 192/b/1 të Kodit Penal.
- **Krimet në fushën doganore** gjithsej 23 procedime penale, përkatësisht 6 procedime për nenin 174/1 të Kodit Penal, 1 procedim për nenin 175 të Kodit Penal, 2 procedime për nenin 178/1 të Kodit Penal dhe 14 procedime për nenin 179/a të Kodit Penal.

Veprat penale krahasuar me vitin 2022, paraqiten në grafikun krahasimor, si mëposhtë:

Grafiku.10



Shqetësuese gjatë vitit 2023, megjithëse me një rënie të lehtë me vitin 2022 , përbën vepra penale e “Dhunës në familje”, ky është tregues domethënës i problematikës të këtij fenomeni. Vërehet se viktimat e dhunës në familje në një numër të konsiderueshëm rastesh kërkojnë urdhër mbrojtje, por jo ndjekje penale.

Rrethi Gjyqësor Gjirokastrë përfshin Bashkinë Gjirokastrë, Tepelenës, Libohovë, Dropull, Memaliaj, Përmet, Këlcyrë me një sipërfaqe prej 1954 km². Relievi i territorit që përfshin Gjykata Gjirokastrë është kryesisht malor, por ka edhe terren fushor e kodrinor, kryesisht në luginat e lumenjve Vjosë e Drino. Në skajin jug- lindor, ky rreth gjyqësor kufizohet me shtetin grek. Duke qenë rreth kufitar, ka dy pika të kalimit kufitar të ngritura me marrëveshje ndërmjet dy shteteve, Pika Kufitare e Kalimit Kakavijë, Sopik.

Ky rreth gjyqësor karakterizohet nga një shkallë urbanizimi mesatar, pasi ka zona të thella ku nuk ka rrugë automobilistike të asfaltuara, ku mund të qarkullohet me vështirësi. Ky faktor ndikon drejtpërdrejt në zhvillimin ekonomik e shoqëror të komuniteteve që banojnë në ato zona.

Lëvizjet demografike në Qarkun e Gjirokastrës, kanë qenë të shumta kryesisht në drejtim të emigrimit në shtete të tjera dhe gjithashtu edhe migrimit nga këto zona drejt kryeqytetit dhe më pak drejt qyteteve të tjera. Po kështu, lëvizje janë shoqëruar nga komunitetet lokale rurale, drejt qendrave urbane në këtë rreth gjyqësor, kryesisht në qytetin e Gjirokastrës e më pak në qytetet e tjera.

Tipar i popullsisë janë elementë etnografike të përbashkëta, por edhe specifika dalluese sipas zonave. Në këtë rreth ka edhe një komunitet që i përket minoritetit grek, i shtrirë kryesisht përgjatë kufirit me shtetin grek. Lëvizjet migratore brenda këtij rrethi gjyqësor, kanë sjellë heterogjenizimin e komuniteteve lokale tradicionale, në një masë të konsiderueshme.


I përmendëm këto karakteristika kryesore, pasi mendojmë se ato ndikojnë drejtpërdrejt jo vetëm në strukturën e kriminalitetit në këtë rreth gjyqësor, por disa prej tyre edhe në veprimtarinë e organeve ligjzbatuese.

Në tabelën 10 pasqyrohen llojet e dënimeve të dhëna nga gjykata:

Tabela.10

Dënimi	Numri i personave të dënuar në vitin 2023
Me gjobë	67
Burgim deri në dy vjet.	148
Burgim nga 2 deri në 5 vjet.	35
Burgim nga 5 deri në 10 vjet.	6
Aplikimi i nenit 59	3
Total	259

Grafiku.11



Rezulton që numri i personave të dënuar gjatë vitit 2022 është 212, ndërsa për vitin 2023 janë dënuar 259 persona. Gjatë vitit 2023 nuk rezulton të jetë dënuar asnjë person me burgim të përjetshëm. Në vitin 2023 numri i personave të dënuar me gjobë është në të njëjtat parametra krahasuar me një vit më parë. Për të dyja vitet, dënimi më i aplikuar nga gjykata është dënimi me burgim deri në 2 vjet, i cili referuar të dhënave statistikore për figurat e veprave penale, përputhet me rrezikshmërinë e ulët të veprave penale më të përhapura. Nëse nisemi nga analiza e të dhënave të vitit 2023 rezulton se numri i çështjeve që janë shqyrtuar me gjykim të shkurtuar, si dhe gjykimi i drejtpërdrejtë janë aplikuar në pak raste, gjithsej. Me ndryshimet me ligjin nr. 35/2017 të K.Pr.Penale janë shtuar edhe lloje të tjera të gjykrimeve të posaçme si Urdhëri penal dhe Marrëveshja për pranimin e fajësisë. Por, numri i këtyre gjykrimeve është i ulët.

b. Kërkesat penale.

Gjatë vitit 2023 janë gjykuar 408 çështje të natyrës kërkesa penale dhe kërkesa penale-administrative, ku përfshihen kërkesat në fazën e hetimeve paraprake si vleftësim arresti dhe caktim mase sigurimi personal lejim përgjimi etj, (394 raste) kërkesa në fazën e ekzekutimit të dënimit, si ulje dënimi, lirim para kohe me kusht (4 raste) nga vuajtja e dënimit, aplikim të dënimeve alternative, kërkesa për marrëdhëniet juridiksionale me jashtë si kërkesa për njohje të vendimeve të gjykatave të huaja, kërkesë për ekstradim (10 raste) etj.

Gjykata në vitin 2023 ka shqyrtuar 541 kërkesa penale në fazën e hetimeve paraprake.

Nga verifikimi i të dhënave në lidhje me procedimet penale të ardhura nga Prokuroria rezultoi si mëposhtë vijon :

1. 271 çështje me objekt : “Dërgim në Gjyq”
2. 255 çështje me objekt : “Kërkesë për pushimin e gjykimit”

3. 10 çështje me objekt : “Miratimin e Marrëveshjes”
4. 5 çështje me objekt : “Miratimin e Urdhërit Penal”


Në vitin 2023 janë shqyrtuar 408 çështje që përfshijnë kërkesa me objekt : vlerësim arresti, caktim mase, raste janë kërkesa për rivlerësim masash sigurimi, raste garanci pasurore, raste përgjime. Rezulton se masat e sigurimit më të aplikuara nga gjykata janë ato “detyrim për paraqitje në policinë gjyqësore” dhe “arrest në burg”. Në disa raste, masat e sigurimit personal të karakterit shtrëngues janë caktuar së bashku me masa të tjera shtrënguese si “Ndalim i daljes jashtë shtetit”.

Tabela.11

Natyra e çështjes	Viti 2020	Viti 2021	Viti 2022	Viti 2023
Kërkesa penale	550	302	462	541

Nga të dhënat për vitin 2020 krahasuar me 2 vitet pasardhës, vërehet një rritje e numrit të këtyre kërkesave për vitin 2023.

Grafiku.12



c. Kërkesat penale në seancë paraprake.

Pas ndryshimeve, me ligjin nr.35/2017 në K.Pr.Penale, numri i kërkesave të seancës paraprake si kërkesa penale për dërgimin e çështjes në gjyq dhe kërkesa për pushimin e çështjes penale për krime, vazhdon të jetë i lartë, por gjithsesi në vlera të qëndrueshme, krahasuar me vitet paraardhës.


Në vitin 2023 janë shqyrtuar gjithsej për 541 kërkesa të seancës paraprake, të cilat kanë përfunduar me të dhënat si mëposhtë : 169 pranuar , 155 çështje janë pushuar ,153 kanë kaluar për gjykim, 46 raste janë kthyer për vazhdimin e hetimeve, 18 raste moskompetence me tregues sipas tabelës së mëposhtme.

Perioda e gjykimit për këtë kategori çështjesh përgjithësisht ka qenë 30 ditë .

Tabela.12

MËNYRA E PËRFUNDIMIT TË KËRKESAVE PENALE					
Pranuar	Pushuar	Kaluar për gjykim	Kthim për plotësim hetimesh	Vendosur Moskompetenca	Përfunduar
169	155	153	46	18	541

Grafiku.13



d. Çështjet civile:

Gjatë vitit 2023, janë gjykuar gjithsej 768 çështje civile, nga të cilat 673 janë mbartur për vitin 2024.

Në lidhje me përbërjen e trupit gjykues, në vitin 2023 janë gjykuar me trup gjykues të përbërë me një gjyqtar 673 çështje civile.

Nga analiza e të dhënave statistikore konstatohet një numër prej 119 çështje civile të pushuara gjatë vitit 2023. Duke u krahasuar me 110 çështje civile të pushuara në vitin 2022, vihet re një rritje prej 9 çështjesh.

Gjithsesi, numri i çështjeve civile të pushuara mbetet në nivel të ulët dhe lidhet me mosndërgjegjësimin për plotësimin e elementëve të padisë, mosparaqitja e paditësit/kërkuesit pa shkaqe të arsyeshme dhe tërheqja nga gjykimi i padisë/kërkesës. Rastet e padisë që nuk mund të ngrihet janë të pakta.


Në zbatim edhe të vendimit të KLD-së nr.238/1/a, datë 24.12.2008 “Për procedurat e ndarjes me short të çështjeve gjyqësore”, çështjet e pushuara dhe çështjet për të cilat është vendosur “Kthim Akte”, kur janë paraqitur përsëri për shqyrtim në gjykatë, i kanë kaluar automatikisht të njëjtit gjyqtar që i ka pushuar më parë.

Disa nga llojet më të përhapura të çështjeve të natyrës civile të gjykuara gjatë vitit 2023 paraqiten si vijon:


Tabela.13

Lloji i çështjes	Numri i çështjeve në vitin 2021	Numri i çështjeve në vitin 2022	Numri i çështjeve në vitin 2023
Padi pronësie	139	86	90
Pjesëtim sendi	15	14	3
Kundërshtim të veprimeve përmbarimore	44	36	61
Padi për marrëdhënie pune	56	14	28
Të tjera kontraktuale	53	30	56
Vërtetim fakti juridik	101	33	267
Familjare	192	129	303
Lëshim urdhër ekzekutimi	272	211	298
Urdhra të menjëhershëm të mbrojtjes	77	29	39

Grafiku.14



Grafiku.15



Nga analiza e të dhënave të mësipërme rezulton se edhe për vitin 2023 ngarkesa me e lartë është me çështje familjare (303), çështje pronësie (90) dhe pas tyre renditen kërkesat për lëshim urdhër ekzekutimi (298). Çështjet familjare gjatë vitit 2023 janë 303 raste, ku mbizotërojnë paditë për zgjidhje martese. Paditë për zgjidhje martese kanë pësuar rritje prej 266 raste çështje të gjykuara në vitin 2023.

Përsa i përket urdhrave të menjëhershëm të mbrojtjes, numri i përgjithshëm i tyre për vitin 2023 është 39 raste .


Nga të dhënat e vitit 2023 rezulton se kanë kërkuar lëshimin e urdhërit të menjëhershëm të mbrojtjes 39 shtetas/e .

Nga analiza e mësipërme konstatohet një ulje e numrit të kërkesave nga viti 2021. Pothuaj të gjitha kërkesat për urdhër mbrojtje janë përcjellë/paraqitur nga ana e Komisariateve të Policisë në bazë të formularëve të plotësuar nga kërkuarit.

Tabela.14

Lloji i çështjes civile	Total	Pranuar	Pushuar	Refuzuar
Urdhër i menjëhershëm mbrojtje	39	21	6	12

Grafiku.16



Nga analiza e të dhënave vërehet se numri i rasteve të refuzimit është më i vogël në raport me numrin e rasteve kur gjykata ka pranuar lëshimin e urdhërit të menjëhershëm të mbrojtjes. Shkaqet e refuzimit të kërkesës për lëshimin e urdhërit të menjëhershëm të mbrojtjes lidhen me mos vërtetimin e ushtrimit të dhunës dhe marrëdhënies familjare sipas përcaktimit në ligj, por konstatohet edhe një numër i lartë i rasteve të pushimit. Shkaqet e pushimit janë mosparaqitja e viktimës së dhunës në familje në seancë pa shkaqe. Praktika mbizotëruese është ajo e shqyrtimit të kërkesës për urdhër të menjëhershëm të mbrojtjes edhe në rast të mosparaqitjes në seancë apo tërheqjes së viktimës së dhunës në familje kur janë përcjellë/paraqitur nga ana e Komisariateve të Policisë.

e. Kërkesat civile (çështje civile pa palë kundërshtare)

Tabela.15


Lloji kërkesave civile pa palë kundërshtare	Numri i kërkesave në vitin 2021	Numri i kërkesave në vitin 2022	Numri i kërkesave në vitin 2023
Lëshimi i urdhërit të ekzekutimit	272	201	298
Vërtetim fakti i vjetërsisë në punë	101	33	267
Lëshim autorizimi për të miturin	7	6	3

Nga analiza e të dhënave rezulton se ngarkesa më e lartë për vitin 2023 është me kërkesat për lëshimin e urdhërit të ekzekutimit, ku mbizotërojnë kërkesat për tituj ekzekutivë si kontratat e kredisë bankare.


Nga viti 2021 në vitin 2022,2023 konstatohet një ulje e numrit të kërkesave për vërtetimin e faktit të vjetërsisë në punë nga ana e shtetasve që kërkojnë përfitimin e të drejtës për pension, për shkak

të ndryshimeve ligjore në lidhje me Vendimin nr.00-21556 datë 07.05.2021 të Kolegjit Administrativ të Gjykatës së Lartë.

Grafiku.17



Grafiku.18



4. NGARKESA ME ÇËSHTJE PËR GJYQTAR.

Aktualisht trupa gjyqësorë nuk është e plotësuar me numrin 7 të gjyqtarëve . Në fillim të vitit 2023, gjykimet bëheshin nga 3 gjyqtarë 1) Znj. Suela Dashi, 2) Z. Gjergji Baçi (i cili me vendimin me nr.520 me datë 05.10.2023 , të Këshillit të Lartë Gjyqësor është vendosur transferimi në Gjykatën e Shkallës së Parë të Juridiksionit të Përgjithshëm Elbasan) 3) Z. Arben Dosti (i cili me vendimin me nr.528 me datë 11.10.2023 të Këshillit të Lartë Gjyqësor është transferuar pranë Gjykatës të Shkallës së Parë të Juridiksionit të Përgjithshëm Tiranë) , me mbylljen e Gjykatës të Rrethit Gjyqësor Përmet si pasojë e implementimit të Hartës së Re Gjyqësore pranë Gjykatës tonë bashkohet edhe 4) gjyqtare Znj. Marjola Beluli. Në muajin Tetor 2023 u emëruan 2 magjistrate Znj. Entela Selmanaj dhe Znj. Nertila Përallaj .


Të dhënat statistikore për ngarkesën e çdo gjyqtari të Gjykatës së Shkallës të Parë të Juridiksionit të Përgjithshëm Gjirokastrë gjatë vitin 2023 sipas numrit të çështjeve të gjykuara janë:

Tabela.16

Emër, Mbiemër	Çështje të gjykuara	Penale		Civile		Delegime		Kërkesa Penale	Kërkesa Civile
		I vetëm dhe kryesues	Trup Gjykues	I vetëm dhe kryesues	Trup Gjykues	Penale	Civile		
1	2	3	4	5	6	7	8	9	10
Suela Dashi	679	95	0	202	0	0	0	334	48
Marjola Beluli	501	60	0	140	0	0	0	271	30
Arben Dosti	286	40	0	69	0	0	0	162	15
Gjergji Baçi	567	75	0	137	0	0	0	300	55
Entela Selmanaj	128	13		8				104	3
Nertila Përallaj	85	15		1				65	4
Të deleguar	6	4						2	
Alban Veçani	1							1	
Arbana Selmanaj	1	1							
Fatmir Ndreu	0								
Hektor Sinani	1	1							
Dorina Stroka	1							1	
Seladin Pysqyli	1	1							
Mirela Mishgjoni	0								
Gladiola Bregu	0								
Dejvi Çelçima	1	1							
TOTAL	2252	302	0	557	0	0	0	1238	155

Në vijim është paraqitja grafike e shpërndarjes së numrit të çështjeve të përfunduara gjatë vitit 2023:

Grafiku.19



Nga analiza e të dhënave evidentohet fakti se ngarkesa e gjyqtarëve me çështje plotëson parametrat e vendosura në vendimin e KLGJ-së për kriteret matëse të vlerësimit të veprimtarisë së gjyqtarëve.

Bazuar në një llogaritje mesatare të ngarkesës për gjyqtar, duke pjesëtuar numrin total të çështjeve të regjistruara 3461 çështje në vitin 2023 me numrin e gjyqtarëve të gjykatës, rezultojnë një numër mesatar prej 865 të çështjeve të reja për gjyqtar. Ky tregues nxjerr në pah ngarkesën e lartë në punë për gjyqtar në Gjykatën e Shkallës së Parë të Juridiksionit të Përgjithshëm Gjyrokastër.

Gjatë vitit 2023 janë regjistruar në total 2625 çështje të reja dhe kanë përfunduar 2252 çështje.

Raporti mbi numrin e çështjeve për çdo gjyqtar (Case for Judge), llogaritur duke pjesëtuar numrin total të çështjeve të regjistruara në vitin 2023 me numrin e gjyqtarëve të gjykatës:

$$\frac{3461 \text{ [totali i numrit të çështjeve të regjistruara]}}{4 \text{ [numri i anëtarëve të gjykatës në vitin 2023]}} = 865.2 \text{ çështje të reja për gjyqtar}$$

Ndërsa numri i çështjeve të gjykuara për çdo gjyqtar rezulton si më poshtë:

$$\frac{2252 \text{ [totali i numrit të çështjeve të gjykuara]}}{4 \text{ [numri i anëtarëve të gjykatës në vitin 2023]}} = 563 \text{ çështje për gjyqtar}$$

Ngarkesa e lartë e gjyqtarëve (ka ndikuar në afatin e arsyetimit të vendimeve gjyqësore, por gjithsesi nuk është tejkalluar afati 30 ditë i përcaktuar sipas raportimit pranë KLGJ si dhe përgjithësisht janë respektuar afatet ligjore të arsyetimit të vendimeve.

a. Delegimet e gjyqtarëve

Gjatë vitit 2023, gjyqtarët e Gjykatës së Shkallës të Parë të Juridiksionit të Përgjithshëm Gjirokastër përgjithësisht nuk kanë qenë të deleguar për të gjykuar çështje në gjykata të tjera (Përmet ,Sarandë etj)

Ndërkohë për nevoja të Gjykatës së Shkallës të Parë të Juridiksionit të Përgjithshëm Gjirokastër kanë qenë të deleguar për të gjykuar në këtë gjykatë, 4 gjyqtarë nga Gjykatat e tjera, për 2 çështje civile, për 7 çështje penale, 6 prej të cilave kanë përfunduar në vitin 2023.

Megjithëse ndryshimet në K.Pr.Civile dhe K.Pr.Penale që kanë sjelle rënien e numrit të çështjeve që gjykohen me trup gjykues të përbërë nga tre gjyqtarë, delegimet mbeten domosdoshmëri për shkak të konsumimit të trupave gjykues si pasojë e vendimmarrjes së mëparshme të tyre në çështje të lidhura ose të konfliktit të interesit që mund të kenë patur gjyqtarët e gjykatës, si dhe numrit të vogël të gjyqtarëve të mbetur aktualisht në gjykatë. Kjo ulje e veprave penale ka ardhur si rezultat i punës parandaluese dhe ndjekjes në vazhdimësi të veprimtarisë së paligjshme në fushën e kultivimit e trafikimit të bimëve narkotike, në parandalimin dhe goditjen e formave të trafikimit, si dhe reduktimit të veprave penale kundër personave apo pasurisë. Ka patur një situatë të përmirësuar të reduktimit të lartë të kultivimit të bimëve narkotike .

Tabela. 17

Emër, Mbiemër	Çështje të gjykuara	Penale		Civile		Delegime		Kërkesa Penale	Kërkesa Civile
		I vetëm dhe kryesues	Trup Gjykues	I vetëm dhe kryesues	Trup Gjykues	Penale	Civile		
1	2	3	4	5	6	7	8	9	10
Të komanduar									
Alban Veçani	1							1	
Arbana Selmanaj	1	1							
Fatmir Ndreu	0								
Hektor Sinani	1	1							
Dorina Stroka	1							1	
Seladin Pysqyli	1	1							
Mirela Mishgjoni	0								
Gladiola Bregu	0								
Dejvi Çelçima	1	1							
TOTAL	6	4	0	0	0	0	0	2	0

5. SHPEJTËSIA NË GJYKIM SIPAS KATEGORISË SË ÇËSHTJEVE.

➤ Raporti i shpejtësisë së gjykimit të çështjeve në total, penale dhe civile

Nga totali i çështjeve të gjykuara rezulton se 1496 çështje janë përfunduar së gjykuari brenda afatit 1-6 muaj, 115 çështje kanë përfunduar së gjykuari në harkun kohor 7-12 muaj dhe 10 çështje brenda harkut kohor 1-2 vjet.

Çështjet civile janë ato që rezultojnë më të shtrira në kohë përse i përket kohëzgjatjes së gjykimit, ndërkohë që çështjet penale të gjykuara brenda vitit 2023 janë mbyllur të gjitha brenda periudhës së gjykimit 1-6 muaj.


Tabela.18

Kategoria e Çështjeve	ÇËSHTJE TË PËRFUNDUARA GJATË VITIT 2023		
	1-6 Muaj	7-12 Muaj	1-2 vjet
Civile të përgjithshme me palë kundërshtare	250	20	10
Familjare me palë kundërshtare	180	30	0
Marrëdhënie pune	40	13	0
Civile të përgjithshme pa palë kundërshtare	150	45	0
Familjare pa palë kundërshtare	30	0	0
TOTALI CIVILE	650	108	10
Penale themeli (krime)	90	0	0
Penale themeli (kundërvajtje)	986	0	0
Kërkesa administrative penale	408	0	0
TOTALI PENALE	1 484	0	0
TOTALI I ÇËSHTJEVE	2 134	108	10

Më poshtë po paraqesim grafikisht edhe raportet e shpejtësisë të gjykimit për çështjet.


Raporti i shpejtësisë së gjykimit të çështjeve penale

Grafiku.20



Raporti i shpejtësisë së gjyimit të çështjeve civile

Grafiku.21



➤ Analizë mbi përmbushjen e standardeve kohore ndërkombëtare

Gjykata ka përcaktuar si objektiv të brendshëm, arritjen e respektimit të afateve të gjyqimit të çështjeve sipas kategorisë më cilësore “A” të CEPEJ (Time Frames “A”). Nga statistikatat e mësipërme rezulton se janë përmbushur plotësisht afatet e gjyqimit të çështjeve sipas kategorisë më cilësore “A” të CEPEJ (Time Frames “A”).

Konkretisht, për vitin 2023, 100 % e çështjeve penale nuk kanë zgjatur më shumë se 6 muaj.

Gjithashtu përse i përket çështjeve penale në gjykim (të papërfunduara), për vitin 2023 nuk konstatohet të ketë çështje, të cilat e kanë kaluar afatin 1 vit.

Nga të dhënat statistikore për çështjet civile rezulton se vetëm 85 % e çështjeve të gjykuara është në kohëzgjatje gjykimi 1-6 muaj, 14% është në kohëzgjatje gjykimi 7-12 muaj, 1% është në kohëzgjatje gjykimi 1-2 vjet.

Gjykata ka përcaktuar si objektiv të brendshëm të saj, dhënien e përparësisë në gjykim të çështjeve tejet komplekse, me qëllim moskalimin e afatit 2 vjeçar të gjyqimit, në respektim të jurisprudencës së Gjykatës Evropiane të të Drejtave të Njeriut.

Shkaqet e tejkalimit të afatit 1-2 vjet janë kryesisht shkaqe ligjore që përjashtojnë përgjegjësinë për tejkalimin e afatit si:

- pezullimi i gjyqimit deri në zgjidhjen e një çështje tjetër gjyqësore, apo rastet e tjera të pezullimit të parashikuara në ligj;
- në gjykimet e pjesëtimit të pasurisë së paluajtshme mosvazhdimi i gjyqimit në fazën e dytë të pjesëtimit deri në marrjen formë të prerë të vendimit të gjykatës për fazën e parë të pjesëtimit;
- shkaqe objektive për zëvendësimin e gjyqtarëve të çështjes si heqje dorë, procesi i vetingut, kërkesa për përjashtim etj., për rrjedhim rifillimi i gjyqimit, njëkohësisht me njoftimet me shpallje për palët, si dhe ekspertime.

Koha e nevojshme për përfundimin/likuidimin e çështjeve (*case disposition time*) është treguesi që krahason numrin total të çështjeve të pazgjidhura, në fund të periudhës së caktuar, me numrin e çështjeve të zgjidhura, brenda të njëjtës periudhë kohore, raport ky i konvertuar në numër ditësh. Treguesi mat se sa shpejt sistemi gjyqësor i gjykatës punon mbi çështjet e marra që nënkupton kohën që duhet për përfundimin e një lloji çështjesh të caktuara në gjykatë, në dritën e ritmit të punës në atë gjykatë.

Koha e nevojshme për përfundimin/likuidimin e çështjeve (*case disposition time*) për çështjet e natyrës penale është 131.8 ditë.

$$DT_{\text{Penale 2023}} = \frac{\text{Numri i çështjeve në pritje për gjykim në 31.12.2023}}{\text{Numri i çështjeve të zgjidhura në 2023}} \times 365 = \frac{536}{1484} \times 365 = 131.8$$

Koha e nevojshme për përfundimin/likuidimin e çështjeve (*case disposition time*) për çështjet e natyrës civile është 319.8 ditë.

$$DT_{\text{Civile 2023}} = \frac{\text{Numri i çështjeve në pritje për gjykim në 31.12.2023}}{\text{Numri i çështjeve të zgjidhura në 2023}} \times 365 = \frac{673}{1484} \times 365 = 319.8$$

Numri i çështjeve të zgjidhura në 2023

768

Koha e nevojshme për përfundimin/likuidimin e çështjeve (*case disposition time*) për të gjitha çështjet në total është 195.9 ditë.

$$DT_{2023} = \frac{\text{Numri i çështjeve në pritje për gjykim në 31.12.2023}}{\text{Numri i çështjeve të zgjidhura në 2023}} \times 365 = \frac{1209}{2252} \times 365 = 195.9$$


Për të krahasuar të dhënat dhe për të kuptuar më mirë ecurinë, po bëjmë tabelën dhe grafikun e tendencës për dyvjeçarën e fundit 2020-2022.

Për çështjet penale :

Tabela.19

Koha e nevojshme për përfundimin/likuidimin çështjeve penale (ditë)		
Viti 2021	Viti 2022	Viti 2023
211.77	253	131.8

Grafiku.22




Për çështjet civile :

Tabela.20

Koha e nevojshme për përfundimin/likuidimin çështjeve civile (ditë)		
Viti 2021	Viti 2022	Viti 2023
55.7	43	319.8

Grafiku.23



Të dhënat e mësipërme tregojnë mesatarizimin e kohëzgjatjes në ditë të gjyqimeve për kategoritë e çështjeve penale dhe civile për vitet 2021, 2022, 2023.


Nga krahasimi me vitin paraardhës, në të cilin koha e nevojshme për përfundimin/likuidimin e çështjeve civile rezultoi një rritje për kohëzgjatjen mesatare të gjykimit, për shkak të lëvizjes, transferimeve të gjyqtareve në Gjykatat e tjera.

Ndërsa për totalin e çështjeve, rezultoi se koha e nevojshme për likuidimin e të gjitha çështjeve, gjatë vitit 2023, në krahasim me vitin paraardhës është rritur.

Tabela.21

Koha e nevojshme për përfundimin/likuidimin çështjeve në total (ditë)		
Viti 2021	Viti 2022	Viti 2023
136.11	148.62	195.9

Grafiku.24




Të dhënat për numrin total të seancave gjyqësore të zhvilluara për vitin 2022 dhe 2023 në Gjykatën e Shkallës së Parë e Juridiksionit të Përgjithshëm Gjirokastër paraqiten si mëposhtë :

Tabela.22

Kategoria e çështjeve të gjykuara	Numri total i seancave gjyqësore	
	2022	2023
Çështje Civile	1720	2484
Çështje Penale	2432	3237

Grafiku.25




Përsa i përket të dhënave për kohëzgjatjen e gjykimeve në numër seancash për vitet 2022, 2023 pasqyrohen në tabelën 23 dhe paraqiten grafikisht si mëposhtë:

Tabela.23

Kategoria e çështjeve të gjykuara	Mesatarja e numrit të seancave nga depozitimi në vendim për çështje	
	2022	2023
Çështje Civile	2	3
Çështje Penale	3	2

Grafiku.26



Sipas të dhënave, mesatarja e numrit të seancave prej 2 për çështje penale është pozitive pasi tregon përmirësim me treguesin 3 të vitit të 2022. Për çështjet civile kemi një rritje të lehtë të treguesit mesatar të numrit të seancave 3 seanca për çështje, krahasuar me 2022.

Në përgjithësi, nisur nga të dhënat e viteve të mëparshëm, shkaqet kryesore që sjellin rritjen e numrit të seancave jo efektive, por edhe kohëzgjatjes së gjykimit, vazhdojnë të jenë problematikat me njoftimet nëpërmjet shërbimit postar, por edhe nëpërmjet shërbimeve të policisë gjyqësore në çështjet penale, veçanërisht kur personi që thirret ndodhet jashtë territorit të Rrethit Gjyqësor Gjirokastrë. Problemet e njoftimit nëpërmjet shërbimit postar, vijnë kryesisht për shkak se punonjësit që ndryshohen shpesh nuk janë të specializuar dhe veprojnë në kundërshtim me ligjin, për sa i përket plotësimit të të gjitha rubrikave në aktet e njoftimit, tregimit të lidhjes ndërmjet personit që merr përsipër njoftimin dhe personit të thirrur, etj., duke sjellë si pasojë shpalljen të pavlefshëm të njoftimit dhe shtyrjen e seancës për përsëritjen e tij (njoftimit). Ndërsa problemi i njoftimeve nëpërmjet shërbimeve të policisë gjyqësore lidhet kryesisht me mos kthimin në kohë të konfirmimit për kryerjen e njoftimit për datën dhe orën e seancës.

Për sa i përket kohëzgjatjes mesatare në ditë për çështje gjyqësore për vitin 2023, evidentohet një rritje e këtij treguesi për çështjet civile dhe një ulje për çështjet penale, por kjo është një dukuri e pritshme duke patur parasysh lëvizjen e gjyqtareve në gjykata të tjera si dhe ngarkesën e çdo gjyqtari. Nga ana tjetër, fakti që çështjet zgjidhen me pak seanca, tregon efikasitetin e gjyqësorit penal dhe civil gjatë periudhës dyvjeçare 2022-2023.

Një pengesë të konsiderueshme në shpejtësinë e gjykimit edhe në vitin 2023 përbën sistemi i shërbimit postar të njoftimeve, mungesa e një sistemi të saktë adresash, mungesa e njohurive proceduriale të punonjësve të postës që kryejnë njoftimet për llogari të Gjykatës. Faktorët e jashtëm që kanë ndikuar në shpejtësinë në gjykim janë mosparaqitja e palëve në gjykim, paraqitja e kërkesave për shtyrje të seancës, nisur nga pjesëmarrja në gjykim tjetër etj. Në disa raste palët ndërgjyqëse hasin vështirësi për të siguruar dhe paraqitur provat e caktuara të cilat ndodhen pranë

institucioneve shtetërore, dhe në disa raste vetë këto institucione përmbushin me vonesë urdhërat e gjykatës. Ndër faktorët e tjerë të brendshëm që ndikojnë në shpejtësinë e gjykimit mbeten, sikurse në vitin e kaluar, ngarkesa e lartë në punë për secilin gjyqtar, referuar numrit mesatar të çështjeve për gjyqtar dhe organikës së gjykatës. Këto problematika kanë sjellë si domosdoshmëri një rol më aktiv të gjyqtarit për administrimin e procesit gjyqësor.


6. HEQJET DORË NGA GJYKIMI I ÇËSHTJEVE

Kërkesat për heqje dorë në vitin 2023 janë si në tabelën 24 :

Tabela.24

Kërkesat për heqje dorë	Viti 2023
Pranim	25
Mospranim	11
Totali	36

Grafiku.27



Shkaqet kryesore të heqjes dorë nga gjykimi i çështjeve edhe në vitin 2023 lidhen me pjesëmarrjen e gjyqtarëve në procese të tjera gjyqësore të lidhura apo vendimmarrje të mëparshme ku janë shprehur me vlerësime nga të cilat cenohet paanësia, kjo edhe për shkak të parashikimit në ligj të mos shqyrtimit të një çështje nga gjyqtari që më parë ka gjykuar një çështje tjetër të caktuar. Pjesa tjetër e rasteve të heqjes dorë nga gjykimi lidhet me vlerësimin e ekzistencës së arsyeve të tjera serioze të njëanshmërisë.

7. PËRJASHTIMET E GJYQTARËVE NGA GJYKIMI I ÇËSHTJEVE (Me kërkesë të palëve)


Gjatë vitit 2023 janë pranuar 0 kërkesa për përjashtim gjyqtari nga gjykimi i çështjeve, prej të cilave 7 civile (0 pranuar, 7 rrëzuar) dhe raste penale 6 (0 pranuar, 6 rrëzuar). Nga analiza e rasteve të shqyrtimit të kërkesave për përjashtimin e gjyqtarëve, vërehet se, shkaku kryesor i pranimi të kërkesës për përjashtim është garantimi edhe në dukje i paanshmërisë së gjyqtarit. Ndërsa shkaqet kryesore të rrëzimit të kërkesës për përjashtim janë: paraqitja nga pala kërkuuese si shkak përjashtimi vendimmarrja e ndërmjetme e gjyqtarit, mosparaqitja e arsyeve të njëanshmërisë nga ato të parashikuara në ligj, dhe mos depozitimi i akteve për të provuar ekzistencën e arsyeve të njëanshmërisë.

Krahasuar me të dhënat e viteve të mëparshme rezulton se ka një qëndrueshmëri të numrit të kërkesave për përjashtim gjyqtari në çështjet penale dhe në çështjet civile.

Tabela.25

Kërkesat për përjashtim	Viti 2023
Pranim	0
Mospranim	13
Totali	13

Grafik. 28



8. KËRKESAT E GJYQTARËVE PËR PLOTËSIMIN E TRUPAVE GJYKUES NE ÇËSHTJE

Gjatë vitit 2023 janë paraqitur 16 kërkesa për plotësimin e trupave gjykuese nga gjyqtari i çështjes, nga të cilat 12 raste janë plotësuar me gjyqtarë të Gjykatës të Shkallës së Parë të Juridiksionit të Përgjithshëm Gjirokastër, në 4 raste është kërkuar plotësimi i trupit gjykues me gjyqtar nga Këshilli i Lartë Gjyqësor. Nga analiza e rasteve të shqyrtimit të kërkesave për plotësimin e trupave gjykues me gjyqtarëve, vërehet se, shkaku kryesor i këtyre kërkesave është klasifikimi i veprës penale sipas parashikimeve të Kodit Penal dhe Kodit të Procedurës Penale .

II. MENAXHIMI I LËVIZJES TË ÇËSHTJEVE GJYQËSORE

1. Mbikqyrja e progresit të çështjeve.

- Në vazhdimësi gjatë vitit 2023 ka patur bashkëpunim dhe mbështetje nga drejtuesi i Prokurorisë, Dhoma Vendore e Avokatisë Gjirokastër, për implementimin e masave që lidheshin me reduktimin e kërkesave për shtyrje, konkretizimin dhe bazueshmërinë e tyre në prova, si dhe një planifikim më të mirë të gjykimit, kryerja e veprimeve procedurale brenda një afati të caktuar etj.
- Edhe me institucionet vendore si Drejtoria e Policisë Gjirokastër, IEVP Tepelenë, Zyra Postare Gjirokastër, ka vazhduar bashkëpunimi për masat e ndërmarra në kuadër të planit të veprimit siç janë: paraqitja e dokumentave të kërkuara përpara seancës, komunikimi i shpejtë me gjykatën edhe në rrugë elektronike, përmirësimi i mënyrës së kryerjes së njoftimeve, aplikimi i mënyrave alternative të njoftimit dhe komunikimit si p.sh me rrugë elektronike nëpërmjet komunikimit me adresën zyrtare të emailit rrethigjirokaster@gjykata.gov.al.
- Gjykata ka aplikuar komunikimin elektronik me e-mail me palet ndergjyqese , avokatët apo palë pjesëmarrëse në proces si ekspertët, psikologët etj. si dhe ka përmirësuar përmbajtjen e njoftimeve me qëllim njoftimin në të njëjtën kohë të palëve edhe me të drejtat dhe detyrimet e tyre, si për t'u mbrojtur me avokat para se të fillojë procesi gjyqësor, për të paraqitur prova etj. Po ashtu është kërkuar bashkëpunimi i të gjitha institucioneve vendore për komunikimin në rrugë zyrtare elektronike në një afat sa më të shpejtë nëpërmjet adresës elektronike zyrtare dhe bashkëpunimi me njësitë vendore dhe Bashkitë lidhur me përmirësimin dhe konfirmimin në kohë të njoftimit me shpallje.

III. MENAXHIMI ADMINISTRATIV I GJYKATËS

1. Organika dhe burimet njerëzore.

Me vendimin e KLGJ , Nr. 150, datë 29.03.2023 “Për miratimin e rregullave standarde për organigramën, përshkrimin e detyrave dhe përgjegjësi të pozicioneve të nëpunësve civilë gjyqësorë dhe punonjësve të tjerë të gjykatave të shkallës së parë të juridiksionit të përgjithshëm,

kategoria e dytë dhe e tretë, me zyra shërbimi,” është miratuar dhe përcaktuar Struktura organizative e Gjykatës së Shkallës së Parë të Juridiksionit të Përgjithshëm Gjyrokastër e cila përbëhet nga:

- a. Kryetari;
- b. Trupa gjyqësore;
- c. Kancelari;
- d. Kryesekretari;
- e. Sekretaria Gjyqësore;
- f. Sektori i Buxhetit dhe Menaxhimit Financiar;
- g. Sektori i Burimeve Njerëzore, Shërbimeve Mbështetëse dhe Prokurimeve;
- h. Sektori i Teknologjisë së Informacionit, Statistikave, Marrëdhënieve me Publikun, Median dhe me Jashtë;
- i. Sektori i Protokollit, Arkivës dhe Koordinimit të Zyrave të Shërbimit

➤ **Shërbimet administrative realizohen nga këto struktura:**

- a. Sektori i Buxhetit dhe Menaxhimit Financiar;
- b. Sektori i Burimeve Njerëzore, Shërbimeve Mbështetëse dhe Prokurimeve;
- c. Sektori i Teknologjisë së Informacionit, Statistikave dhe Marrëdhënieve me Publikun, e Median;
- d. Sektori i Protokollit dhe Arkivës dhe Koordinimit të Zyrave të Shërbimit.

Strukturat e shërbimeve administrative janë përgjegjëse për mirëfunksionimin e veprimtarive administrative të gjykatës. Ato kryejnë detyrat e ngarkuara nga organet vendimmarrëse sipas rregullores dhe sipas përshkrimeve të punës, të miratuara nga Këshilli i Gjykatës.

Nëpunësit civilë gjyqësorë të strukturave administrative, emërohen dhe shkarkohen nga Këshilli i Gjykatës, sipas ligjit.

➤ **Shërbimet gjyqësore realizohen nga këto struktura:**

- a. Kryesekretari;
- b. Sekretari gjyqësor.


Strukturat e shërbimeve gjyqësore mbështesin drejtpërdrejt veprimtarinë gjyqësore të gjykatës. Ato kryejnë detyrat e ngarkuara sipas përshkrimeve të punës të miratuara nga Këshilli i Lartë Gjyqësor dhe Këshilli i Gjykatës.

➤ **Shërbimet mbështetëse** sigurojnë ruajtjen, kujdesin dhe mirëmbajtjen e mjediseve të gjykatës, si dhe garantimin e ushtrimit të funksioneve gjyqësore dhe administrative.

Shërbimet mbështetëse ushtrohen nga nëpunës civilë gjyqësorë, që kryejnë detyrat sipas përshkrimeve të punës bashkëlidhur kësaj rregullore dhe atyre të miratuara nga Këshilli i Gjykatës, si dhe nga punonjës të tjerë gjyqësorë që emërohen dhe shkarkohen nga Kancelari dhe marrëdhëniet e punës së tyre rregullohen sipas dispozitave të Kodit të Punës.

Figura.1

ORGANIGRAMA E GJYKATËS SË SHKALLËS SË PARË TË JURIDIKSIONIT TË PËRGJITHSHËM GJIROKASTËR



Sektori i Burimeve Njerëzore, Shërbimeve Mbështetëse dhe Prokurimeve është përgjegjës për:

- krijimin, administrimin dhe ruajtjen e dokumentacionit të dosjes individuale për nëpunësit civilë gjyqësorë, si dhe punonjësit e tjerë të gjykatës;
- ndjekjen dhe zbatimin me përpikëri të legjislacionit në fushën e prokurimeve publike;
- kryerjen e shërbimeve të njoftimeve, dhënien ndihmë trupës gjyqësore dhe çdo veprimtarie tjetër që ka të bëjë me rregullin, sigurinë, shërbimet e transportit, mirëmbajtjen e mjediseve të gjykatës.

Në lidhje me problemet mbi riorganizimin e burimeve njerëzore në përshtatje me nevojat e gjykatës dhe kriteret e vendit të punës, si dhe duke njoftuar pranë Departamentit të Burimeve Njerëzore dhe Shërbimeve Administrative në Këshillin e Lartë Gjyqësor janë plotësuar me personel administrativ një pjesë të pozicioneve të punës në kuadrin e Riorganizimit të Përgjithshëm të Hartës së Re Gjyqësore.

Punonjësit kanë të krijuar dosjen personale me të dhënat e personelit, pranë Sektorit të Burimeve Njerëzore Shërbimeve Mbështetëse dhe Prokurimeve në Gjykatë. Për shkak të riorganizimit ende nuk ka një vlerësim pune për vitin 2023, por që nuk ka patur vlerësime negative të performancës në kryerjen e detyrave funksionale.

2. Teknologjia e informacionit.

➤ Sistemi elektronik i menaxhimit të çështjeve gjyqësore ICMIS

Gjykata ka në funksion sistemin elektronik të menaxhimit të çështjeve gjyqësore, ICMIS, që prej vitit 2014, i cili përdoret për regjistrimin e çështjeve gjyqësore, hedhjen e çështjeve në çdo rast në short elektronik, mbajtjen e procesverbaleve të seancave gjyqësore, hedhjen e vendimeve dhe publikimin e vendimeve të anonimizuar në portal. Pjesa e anonimizimit të vendimeve të publikuara në portal, pas instalimit të versionit të përditësuar të ICMIS në Janar të vitit 2021, nuk kryet më manualisht prej sekretareve gjyqësore pasi realizohet automatikisht nga vetë sistemi.

Sistemi elektronik i menaxhimit të çështjeve ICMIS mundëson përveç të tjerash ndarjen e çështjeve ndërmjet gjyqtarëve, me short elektronik. Kërkesat e vendimit nr. 554, datë 29.12.2022 “Për ndarjen me short të çështjeve gjyqësore” dhe vendimit nr. 724, datë 07.12.2023 “ Për rindarjen me short të çështjeve gjyqësore” të Këshillit të Lartë të Gjyqësor janë respektuar në mënyrë rigoroze në lidhje me ndarjen e çështjeve me short si dhe është rritur transparenca e këtij procesi, duke u publikuar paraprakisht koha e realizimit të shortit, duke u garantuar pjesëmarrja e publikut si dhe nëpërmjet publikimit të listës së shortit. Nëpërmjet përcaktimit të vendit të zhvillimit të shortit dhe rishortimit, në hollin e Gjykatës, të pajisur me monitor, është rritur aksesin nga pjesëmarrës të tjerë të interesuar si palët, avokatët mbrojtës, media. Shorti i ditës, publikohet brenda 24-orëve në faqen web të gjykatës.

Nga të dhënat statistikore rezulton se çështjet janë shpërndarë në mënyrë përafërsisht të barabartë për të gjithë gjyqtarët. Diferencat justifikohen duke patur parasysh numrin e çështjeve të regjistruara gjatë gatishmërisë së secilit gjyqtar, që mund të ketë qenë jo i barabartë. Për masat e sigurimit dhe kërkesat gjatë hetimeve paraprake, nga Kryetari i Gjykatës në zbatim të kompetencave ligjore është bërë sistematikisht planifikimi i gatishmërisë të gjyqtarëve sipas grafikut për shqyrtimin e çështjeve të natyrës urgjente, si rregull për një kohë një javore sipas rendit alfabetik duke marrë për bazë mbiemrin e gjyqtarit.

Përsa i përket problematikave teknike të konstatuara gjatë punës si në sistemin ICMIS ashtu dhe në portalin www.gjykata.gov.al, është raportuar në platformën e suportit të kompanisë Kreatx dhe zgjidhja ka ardhur brenda afateve të kërkuara.

➤ Sistemi i regjistrimit audio të seancave gjyqësore RDA

Në kuadër të rritjes së parametrave shpejtësi, përgjegjësi dhe transparencë, në këtë gjykatë ka filluar që prej datës 01.05.2014 të aplikohet sistemi audio rekorder i mbajtjes së seancave gjyqësore për të gjithë gjykimet, me përjashtim të seancave të zhvilluara në dhomë këshillimi për shkak të parashikimeve ligjore (përjashtim gjyqtari, caktim mase sigurimi, lejim ose vleftësim përgjimi) sistem i cili ka funksionuar normalisht gjatë vitit 2023.

Për vitin 2023, janë zhvilluar gjithsej 6581 seanca gjyqësore, nga të cilat 6347 janë zhvilluar me regjistrim audio, ndërsa 234 seanca janë zhvilluar në dhomë këshillimi pa sistem audio për shkak të parashikimeve ligjore. Pra, regjistrimi audio i seancave gjyqësore për vitin 2023


është 96.4 % e seancave të zhvilluara, çka pasqyron qëndrueshmërinë e përdorimit të teknologjisë audio nga ana e gjykatës.

Raporti për përdorimin e sistemit të regjistrimit audio nga çdo gjyqtar në vitin 2023 i gjeneruar nga aplikacioni PAKS+ paraqitet në tabelën 26 :

Tabela.26

Nr.	Gjyqtari	Seanca të regjistruara audio (SA)	Seanca të paregjistruara (SP)	Gjithsej (TOT)	Në % (SA/TOT*100)
1.	SUELA DASHI	1752	78	1830	95.7 %
2.	GJERGJI BAÇI	914	80	994	92 %
3.	ARBEN DOSTI	464	22	486	95.5 %
4.	MARJOLA BELULI	1978	2	1980	99.9 %
5.	ENTELE SELMANAJ	630	29	659	95.6 %
6.	NERTILA PËRALLAJ	548	19	567	96.6 %
GJYQTARË TË DELEGUAR					
1.	ALBAN VEÇANI	0	1	1	0
2.	ARBANA SELMANAJ	7	0	7	100 %
3.	DAJANA NDREJA	9	1	10	90 %
4.	DEJVI ÇELÇIMA	1	0	1	100 %
5.	DORINA STROKA	1	0	1	100 %
6.	FATMIR NDREU	3	0	3	100 %
7.	GLADIOLA BREGU	17	1	18	94.4 %
8.	HEKTOR SINANI	5	0	5	100 %
9.	RUDI LAZE	13	0	13	100 %
10.	SELADIN PYSQYLI	5	1	6	83.3%
	TOTALI	6347	234	6581	96.4 %

Grafiku.29



Gjatë vitin 2023, të gjithë palët pjesëmarrëse në një seancë gjyqësore, janë pajisur me CD e regjistrimeve audio, sa herë që kanë bërë kërkesë për të patur një të tillë. Në portalin e gjykatës është vendosur edhe suporti i duhur për përdoruesit e programit FTR, për të dëgjuar regjistrimet audio.

Përdoruesit apo punonjësit janë udhëzuar për përdorimin e sistemit audio dhe kanë realizuar me sukses edhe transkriptimet e procesverbaleve të seancave edhe në rastet kur ai është kërkuar fjalë për fjalë, si dhe është zbatuar udhëzimi për procedurat e dhënies së kopjeve të regjistrimeve audio për përdorim nga publiku.

Zbatimi i këtij sistemi ka treguar se ka rritur ndjeshëm transparencën e gjyimit dhe ka ndikuar ndjeshëm në respektimin e rregullave të etikës dhe solemnitetit në gjykim si për gjyqtarët dhe për palët e avokatët.

Çdo lloj problematike teknike e evidentuar gjatë punës në sistemin audio është raportuar dhe zgjidhur brenda afateve të kërkuara nga kompania e suportit Forsitek shpk.

- Po kështu, në bashkëpunim me projektin Just (USAID), duke filluar nga viti 2011, në Gjykatë është implementuar kalendari elektronik i planifikimit të seancave gjyqësore PAKS+, çka eviton përplasjet në përdorimin e sallave të gjyimit. Raportet e gjeneruara nga sistemi PAKS, qoftë ato për përdorimin e sallave të gjyqit qoftë raportet për përdorimin e audios, nuk pasqyrojnë vetëm çështjet me karakter sekret, si kërkesa për lejim përgjimi, kontrolli, caktim mase sigurimi në mungesë, etj, të cilat nuk regjistrohen në sistemin elektronik, por vetëm në regjistrat manual. Ky kalendar ka funksionuar normalisht dhe gjatë vitit 2023.

3. Çështjet e infrastrukturës, ruajtjes dhe sigurisë në gjykatë.

Në vitin 2023 janë marrë masa për përmirësim në drejtim të sistemit të monitorimit të lëvizjeve në ambientet e brendshme të gjykatës. Gjithashtu janë marrë masa për monitorimin dhe mirëfunksionimin e sistemit të integruar për mbrojtjen nga zjarri, përmbytjet dhe rreziqe të tjera. Po ashtu janë hartuar rregullat për garantimin e rendit dhe sigurisë në gjykatë.

Në ambientet e godinës janë instaluar sistemet e mëposhtme :

- a. Në derën hyrëse të administratës është vendosur sistemi i kontrollit të aksesit, ku çdo punonjës i brendshëm është i pajisur me karta të personalizuar nga Sektori i Teknologjisë së Informacionit për identifikimin e secilit prej tyre në sistem.
- b. Në derën e publikut është vendosur një pajisje kontrolli statike (detektor metalik Kalim Zone), si dhe punonjësi i sigurisë është i pajisur me një detektor metalik dore.
- c. Sistemi i kamerave të sigurisë kryen monitorimin e ambjenteve të brendshme dhe përreth godinës, të vendosura në zbatim të Udhëzimit nr.3, datë 05.03.2010 i Komisionerit për të Drejtën e Informimit dhe Mbrojtjen e të Dhënave Personale, për "Sistemin e Video Survejimit në Ndërtesa, Lokale e Ambjente të Ndryshme", i ndryshuar.
- d. Sistemi i alarmit për zjarrin me një rrjet sensorësh të instaluar në çdo zyrë dhe në çdo ambient tjetër të godinës, i cili sinjalizon në çdo rast kur detekton temperaturë të lartë dhe shfaq në panelin qendror vendndodhjen e sensorit që sinjalizon alarmin.

Gjatë vitit 2023 kanë funksionuar normalisht 5 salla gjykimi, të pajisur me kompjuter, mixer për regjistrimin audio, dhe monitorë TV (për rastet e seancave kur duhen të shfaqen video të dorëzuar si provë nga palët pjesëmarrëse).

Kushteve e godinës së gjykatës garantojnë plotësisht elementët e sigurisë përsa i përket lëvizjes së veçantë të gjyqtarëve e të palëve.

4. Kryesekretaria dhe ofrimi i shërbimeve nga administrata gjyqësore.

- Kjo zyrë gjatë gjithë vitit, ka funksionuar me kryesekretaren e cila është mbështetur edhe nga Kancelari. Kancelari veç detyrave të tij në organizmin dhe drejtimin e administratës gjyqësore, ka përpiluar edhe raportet statistikore periodike dhe vjetore sipas modeleve të miratuara nga Këshilli i Lartë Gjyqësor dhe ndjekjen dhe kthimin e përgjigjes për çdo informacion të kërkuar.
- Detyrat e kryesekretares e cila është ngarkuar dhe ka kryer, pranimin e padive dhe të gjitha kërkesave të tjera që janë paraqitur për proceset gjyqësore, regjistrimin në regjistrat manual dhe sistemin elektronik, shpërndarjen e dosjeve gjyqësore pas procesit të shortit të gjyqtarët dhe numërtimin e çështjeve.
- Kryesekretaria veç organizimit të zyrës ka trajtuar dosjet që nga dorëzimi i dosjeve në sekretari pas përfundimit deri në arkivimin e tyre, si kontrolli i dosjes fizike në momentin e dorëzimit, njoftimet pranimi i ankimeve, dhënien formë të prerë vendimeve, përcjelljen e dosjeve në gjykatat më të larta, përpunimin e tyre pas kthimit, përgatitja dhe përcjellja e vendimeve institucioneve përkatëse sipas urdhërimeve të gjykatës apo përcaktimeve ligjore dhe përcjella në fund e dosjeve në arkivin e gjykatës.
- Gjatë këtij viti është përmirësuar puna në aspektin e menaxhimit të çështjeve gjyqësore, në lidhje me këto element:

- për pranimin e kërkesëpadive apo kërkesave të ndryshme,
 - marrjen e identitetit dhe adresave të sakta të palëve,
 - marrjen e miratimit për njoftimin elektronik,
 - kopjeve të padive me aktet shoqëruese sa janë palët,
 - për parapagimin e shpenzimeve gjyqësore etj
- Gjatë vitit 2023 janë depozituar gjithsej (397 ankime ,nga te cilat 167 raste jane ankime civile si dhe 230 raste jane ankime per çështje penale) mbi bazën e të cilave janë përpunuar, përcjellë dosjet në gjykatat më të larta, si dhe janë kryer veprimet përkatëse pas kthimit të çështjeve nga shqyrtimi në gjykatat më të larta. Në përgjithësi dosjet janë përpunuar dhe përcjellë në kohë dhe nuk ka pasur ankesa nga palët. Përcjellja e dosjeve që kanë rekurs direkt nga Gjykata e Apelit ka sjellë një lehtësim të punës në sekretarinë gjyqësore.
- Në lidhje me realizimin e objektivave gjatë vitit 2023, duke qenë se dhe kuadri ligjor tashmë është më i plotë janë ndërmarrë masat e duhura për :
- a. Inventarizimin e dokumentacionit gjyqësor/administrativ,
 - b. Përpunimin të dokumentacionit arkivor,
- Por nuk është bërë i mundur transferimi i dosjeve gjyqësore pranë Arkivit Shtetëror të Sistemit Gjyqësor pasi nuk është miratuar kërkesa e bërë nga ana e specialistit të Arkivit për tërheqjen e fondit arkivor të vitit 2012 me argumentin se duhet të realizohet procesi i asgjësimit të dokumentacionit të përkohshëm që ka humbur vlerën e ruajtjes deri në vitin 2011.
- Veprimtaria në këtë sektor, në lidhje me shërbimet e dokumenteve arkivore është krye me saktësi, në një kohë të shpejtë dhe brenda afateve ligjore, sipas të gjitha akteve ligjore dhe nënligjore në fuqi për punën me dokumentet zyrtare në Republikën e Shqipërisë si: “Ligji për Arkivat”, Ligji 98/2016 për “Organizimin dhe Funksionimin e Pushtetit Gjyqësor”, Vendimi nr.426, datë 14.10.2022 i Këshillit të Lartë Gjyqësor për “Miratimin e listave tip me afatet e ruajtjes së dokumenteve gjyqësore që arkivohen në gjykata”, Rregullore nr.202 Prot., datë 15.05.2023 “Mbi metodikën e punës arkivore të fondkrijuesve të Sistemit të Drejtësisë”.
- Nga ana e specialistit të Arkivit është informuar dhe raportuar në kohë për problematikat ekzistuese dhe të mundshme në lidhje me kushtet e ruajtjes së fondit arkivor, përpunimit teknikoshkencor të dokumentacionit arkivor gjyqësor/administrativ si dhe masat që duhet të merren për realizimin e detyrave sipas përcaktimeve ligjore për Arkivat. Në lidhje me shfrytëzimin e dosjeve gjyqësore janë shërbyer një numër i konsiderueshëm dokumentesh të njësuara në përputhje me ligjin dhe aktet nënligjore në përgjigje të kërkesave të adresuara në drejtim të gjykatës.
- Janë vendosur në dispozicion të gjyqtarëve dosjet gjyqësore për llogari të gjykimit, janë shërbyer sipas afateve procedurale kopjet e akteve gjyqësore për personat e interesuar, avokatët si dhe institucionet shtetërore dhe jo shtetërore.
- Në zbatim të kontratës nr.2552/15 me objekt: “Program digjitalizimi i arkivave të gjykatave”, të lidhur midis Këshillit të Lartë Gjyqësor dhe palës kontraktuese “PC STORE” është vënë në

dispozicion dokumentacioni arkivor gjyqësor (kodekset, regjistrat, aktet e protokollit) të inventarizuar për të realizuar procesin e skanimit.

- Bazuar edhe në Rekomandimet/Sugjerimet e ASHSGJ-së mbetet për tu realizuar sistemi mbrojtës kundër zjarrit, raftet metalike dhe kutitë e kartonit për mbajtjen e dosjeve të kësaj gjykate.
Përparësi në lidhje me vijueshmërinë e punës duhet të ketë asgjesimi dhe RHK sipas standardeve arkivore.
- Përsa i përket Zyrës së Shërbimeve Përmet (pranë ish Gjykatës së Rrethit Gjyqësor Përmet) që prej muajit Maj e në vijim, veprimtaria e nëpunësve gjyqësorë, në lidhje me ofrimin e shërbimeve ndaj personave të interesuar, avokatët etj ka qenë e saktë dhe në një kohë të shpejtë.
Korrekt dhe i shpejtë ka qenë bashkëpunimi i kësaj Zyre edhe me Gjykatën e Shkallës së Parë të Juridiksionit të Përgjithshëm Gjirokastër për dërgimin e dokumentacionit apo dhënien e informacionit.
- Gjatë 2023 ka patur një numër të konsiderueshëm kërkesash për shërbim nga arkiva. Gjithashtu janë duke u kryer edhe evidentimi i dosjeve për procedurat e asgjesimit. Është përcaktuar me Bashkinë Gjirokastër vendi ku do të asgjesohen dokumentacioni gjyqësor, dosje qe ju ka kaluar afati i ruajtjes (1050 gjithsej) për periudhën kohore 1952 - 1978. Problematikë vijon të mbetet mungesa e hapësirave të nevojshme për sistemimin dhe inventarizimin e dosjeve arkivore në ambientet e arkivës. Për këtë qëllim, janë përdorur edhe ambiente të tjera në gjykatë, por është i nevojshëm shtimi i ambienteve dhe i rafteve metalikë.

5. Aksesi, transparenca, marrëdhëniet me publikun dhe median.

- Në përputhje me nenin 7 të ligjit nr.119/2014 “Për të Drejtën e Informimit” është përgatitur, programi i transparencës për Gjykatën e Shkallës së Parë e Juridiksionit të Përgjithshëm Gjirokastër. Nëpërmjet këtij programi përcaktohet korniza ligjore e veprimtarisë së autoritetit në kuadër të ligjit nr.119/2014 “Për të Drejtën e Informimit”. Ky program vlerësohet si një mënyrë konkrete përmes së cilës Gjykata e Shkallës së Parë e Juridiksionit të Përgjithshëm Gjirokastër ndërton dhe rrit transparencën në punën e saj institucionale. Informacioni i bërë publik në këtë program, synon të bëjë transparencën e veprimtarisë së punës së Gjykatës së Shkallës së Parë të Juridiksionit të Përgjithshëm Gjirokastër, nëpërmjet pasqyrit të tij në faqen zyrtare të gjykatës Gjirokastër, pranë portalit www.gjykata.gov.al . Gjykata e Shkallës së Parë e Juridiksionit të Përgjithshëm Gjirokastër ka marrë të gjitha masat për respektimin maksimal të të gjitha detyrimeve të rrjedhura nga ky ligj, duke publikuar në faqen e saj elektronike zyrtare informacionin dhe dokumentacionin e disponuar prej saj, të parashikuar nga ligji, për publikim kryesisht nga autoriteti publik.
- Rezulton se është kryer një punë e mirë për informimin dhe sensibilizimin e avokatëve, palëve ndërgjyqëse dhe qytetarëve për marrjen e informacionit mbi shortin dhe planifikimet e seancave gjyqësore nëpërmjet faqes elektronike zyrtare të gjykatës në internet.

- Në faqen zyrtare të gjykatës janë publikuar gjatë vitit 2023 se si mund te orientohe mi në gjykatë, si të merret informacion mbi shortin dhe për kalendarin e seancave.
- Me qëllim rritjen e aksesit në drejtësi, është rritur numri i formularëve standart për kërkesa të ndryshme drejtuar gjykatës, Model Deklaratë Mbrojtje në procesin civil dhe akte të tjera të cilat ndihmojnë në veçanti palët e vetpërfaqësuar. Gjithashtu është arritur asistena e personave me aftësi të kufizuar. Gjykata ka siguruar akses fizik nëpërmjet rampave të personave me aftësi të kufizuar në lëvizje, në hyrjen e gjykatës.
- Në prill të vitit 2020, me ndihmën e USAID, në ambjentet e hollit të gjykatës, është vendosur nje infopoint, ku publiku mund të marrë informacion në kohë reale për çështjen për të cilën është i interesuar dhe shortin. Infopoint ka qenë funksional edhe gjatë vitit 2023.
- Në përputhje me nenin 7 të ligjit nr.119/2014 “Për të Drejtën e Informimit” është përditësuar programi i transparencës për Gjykatën e Rrethit Gjyqësor Gjirokastrë. Informacioni i bërë publik në këtë program, synon të bëjë transparencën e veprimtarisë së punës së Gjykatës së Shkallës të Parë të Juridiksionit të Përgjithshëm Gjyrokastër, nëpërmjet pasqyrit të tij në portalin www.gjykata.gov.al.
- Gjykata ka publikuar në faqen e saj elektronike zyrtare informacionin dhe dokumentacionin e disponuar prej saj, të parashikuar nga ligji. Në kuadër të ligjit për të drejtën e informimit gjatë këtij viti janë trajtuar nga gjykata disa kërkesa për informim. Për të gjitha kërkesat, brenda afatit ligjor është vënë në dispozicion informacioni i kërkuar pa cënuar të drejtat e tjera, siç është mbrojtja e të dhënave personale.
- Në raport me median, gjykata ka trajtuar kërkesat për informacione apo ndjekje të seancave gjyqësore për çështje për të cilat kanë patur interes publik. Në këto raste media apo gazetarët personalisht janë informuar me anë të njoftimeve. Për vitin 2023 është caktuar nga KLGJ gjyqtari i medias, Znj.Marjola Beluli, e cila ushtron detyrën pranë kësaj Gjykate. Koordinimi me informacionet e kërkuara dhe të dhëna nga ana jonë është periodik dhe konform legjislacionit ne fuqi.
- **Zyra e Marrëdhënieve me Publikun dhe Median**
 - Zyra e Marrëdhënieve me Publikun dhe Median është bërë pjesë e strukturës dhe organikës në Gjykatën e Shkallës së Parë të Juridiksionit të Përgjithshëm Gjyrokastër, në qershor të vitit 2021. Kjo zyrë ushtron përgjegjësitë dhe kompetencat nga Specialist i Marrëdhënieve me Publikun, Median dhe me Jashtë, në bashkëpunim me Drejtuesin e Institucionit, Kancelarin dhe Gjyqtarin e Medias. Mbështetur tek një nga parimet kryesore të punës sonë, atë të rritjes së besueshmërisë tek publiku, shërbimet e ofruara nga kjo zyrë, kanë qenë në përputhje dhe në respektim të Ligjit Nr. 119/2014 “Për të drejtën e informimit”, si dhe Ligjit Nr. 9887, “Për mbrojtjen e të dhënave personale”.
 - Mbështetur në vendimin e Këshillit të Lartë Gjyqësor, me Nr. 454, datë 02.11.2022 “Për miratimin e Planit të Komunkimit për gjykatat”, është kordinuar puna me sektorët përkatës duke përmbushur detyrimet e parashikuara në vendim, në respekt të afateve kohore të parashikuara në formatin e përcaktuar. Organizimi i Javës së Drejtësisë është bërë në bazë

të udhëzimeve të dhëna duke përmbushur objektivat dhe qëllimet për të vendosur ura komunikimi mes qytetarëve dhe institucionit tonë. Në këtë kuadër janë zhvilluar takime me drejtues të institucioneve lokale, të administratës vendore, me përfaqësues të zyrave dhe shërbimeve për të diskutuar në lidhje me rritjen e standarteve të bashkëpunimit dhe respektimin e kuadrit ligjor.

- Për të bërë të mundur sigurimin e aksesit për informacionin në masën më të madhe të mundshme, veç faqes zyrtare on-line janë hapur dhe funksionojnë edhe dy adresa të Gjykatës në platformat Facebook dhe LinkedIn.
- Bashkëpunimi me publikun dhe median është trajtuar me përparësi duke i dhënë rëndësinë e duhur, jo vetëm komunikimit të drejtpërdrejtë, por duke krijuar akses në gjykatë përmes; koordinimit me shërbimet e administratës së gjyqësorit, Kryesekretarisë, shërbimeve online në faqen zyrtare të gjykatës, adresës elektronike zyrtare (e-maili elektronik për kërkesat/ankesat), shërbimit postar për shkresat zyrtare /kërkesat për informacion). Në faqen zyrtare Gjykata e Shkallës së Parë e Juridiksionit të Përgjithshëm Gjirokastër disponon informacion të aksesueshëm dhe të përditësuar për publikun, median dhe palët e treta.
- Nëpërmjet kësaj zyre janë kryer të gjitha komunikimet me gazetarët e mediave kombëtare, lokale, si të medias vizive dhe të shtypit të shkruar. Informacioni i nevojshëm iu është dhënë gazetarëve në formë të shkruar në rastet, kur kërkitimi i tyre është parashtruar me shkrim, në formatin elektronik, si dhe përmes shërbimit postar. E njëjta praktikë pune është ndjekur edhe në rastet kur informacioni është kërkuar nga përfaqësues të organizatave, shoqatave, rrjeteve sociale, studentë të Shkollës së Magjistraturës, qytetarë, të cilëve iu është ofruar në kohë materiali i kërkuar.
- Për vitin 2023 rezultojnë të regjistruara gjithsej **56** kërkesa në Regjistrin e Kërkesave dhe Përgjigjeve, duke specifikuar se janë regjistruar ato kërkesa që kanë ardhur në respektim të nenit 11, të Ligjit Nr. 119/2014 “Për të Drejtën e Informimit”, por pranë zyrës së Kryesekretarisë dhe përmes email-it zyrtar janë regjistruar një numër shumë herë më i madh shkresa/kërkesa që janë trajtuar në kohë nga zyrat përkatëse.
- Bashkëpunimi me gjyqtarin për median, ka qenë i shkëlqyer, duke kontribuar në mënyrë cilësore në trajtimin e kërkesave për informim.
- Duke qenë se Programi i Transparencës është vlerësuar si mjaft i rëndësishëm për veprimtarinë e gjykatës, perceptimin e drejtë të punës në këtë institucion, imazhin dhe mbështetjen e vlerave themelore të sistemit gjyqësor, i është kushtuar vëmendje çdo sugjerimi, kërkesë apo orientimi në funksion të përmirësimit të punës në këtë drejtim. Për vitin 2023 është ndjekur plani i komunikimit i miratuar nga Këshilli i Lartë Gjyqësor, i cili parashikon një qasje me frymë bashkëpunuese dhe lehtësuese për dhënien e informacionit për përdoruesit e Gjykatës .
- Sigurimi i një publiku dhe medie të informuar në një kohë sa më të shpejtë, mbetet një nga sfidat kryesore për Zyrën e Marrëdhënieve me Publikun dhe Median, pasi përmes informimit dhe vendosjes së komunikimit mund të ndryshojmë qasjen e publikut me

gjyqësorin, gjyqtarëve me median, pakësimin e problematikave dhe rritjen e besueshmërisë në punën tonë.

6. Administrimi i fondeve publike për vitin 2023

Sipas Plan – Buxhetit të vitit 2023, Gjykata ka kryer shpenzimet për paga, Sigurime Shoqërore, Shpenzime Operative dhe Investime. Në shpenzimet e kryera janë pasur parasysh çeljet e fondeve sipas zërave të shpenzimeve.

Në fund të vitit është kryer rakordimi përfundimtar i shpenzimeve të vitit ushtrimor 2023, me Degën e Thesarit dhe është bërë raportimi i tyre në KLGJ.

Këshilli i Lartë Gjyqësor me Vendim nr. 146, datë 29.03.2023 “Për caktimin e numrit të gjyqtarëve në gjykatat e shkallës së parë të juridiksionit të përgjithshëm”, ka përcaktuar në Gjykatën e Shkallës së Parë të Juridiksionit të Përgjithshëm Gjirokastër, 7 (shtatë) gjyqtarë dhe me Vendim nr. 151, datë 29.03.2023 “Për rishpërndarjen e numrit të pozicioneve të punës në gjykatat e shkallës së parë të juridiksionit të përgjithshëm”, ka miratuar në total numrin e administratës gjyqësore në 32 (tridhjetë e dy), nga të cilët 20 nëpunës civilë gjyqësorë dhe 12 punonjës të tjerë gjyqësorë.

Gjykata jone ka shlyer të gjitha detyrimet për gjyqtarët periudha 1 janar 2019 – 31.12.2022 brenda vitit buxhetor 2023 në masën 100% .

Në fund të vitit 2023 struktura organizative e gjykatës nga 39 punonjës plan, 36 në fakt, vakancë 1 pozicion pune K/Sekretare , 1 pozicion pune Specialist Prokurimesh, 1 pozicion pune Punonjës Sigurie.

Zyra e Buxhetit ka realizuar më së miri zërat e përcaktuar në buxhetin e gjykatës sonë. Realizimi i shpenzimeve operative ka qenë në masën në % 94 % për vitin 2023.

➤ **ARTIKULLI 602 “ Shpenzime Operative”** në 000/lekë

Plani 6.700 mijë Plani i rishikuar 7.500 mijë Fakti 7.057 mijë lekë Realizimi në % 94 % kundrejt planit të rishikuar.

Në fund të vitit 2023 Gjykata e Shkallës së Parë e Juridiksionit të Përgjithshëm Gjirokastër ka fatura të palikujduara që i përkasin detyrimeve për muajin Dhjetor 2023 në masën si më poshtë:

Llogari të arkëtueshme

Tabela. 27

Nr	Emërtimi	Vlera
1	Llogari të Pagueshme	5.790.833
-	Detyrime për paga e sigurime	5.462.442
	Llog 421-paga	3.756.630
	Llog 431-tatim page	548.271
	Llog 435- sig shoqërore	908.142
	Llog 436- sig shëndetësore	157.493
	Llog 438- sig suplementar	91.906
	Furnitor (401)	328.391
-	Shoqëria Rajonale Ujësjetllës Kanalizime SH.A Gjirokastër	9.030
-	ONE Telecommunications SH.A Gjirokastër.	4.536
-	Posta Shqiptare SH.A	90.170
-	FSHU (energji)	179.555
-	Detyrim i trashëguar për llogarinë 401 nga Godina Përmet për servis fotokopje nga vite të kaluara	45.100

➤ **ARTIKULLI 606** “ *Transferta per buxhetet familjare dhe individe* ” në 000/lekë
Plani 113.9 mijë Fakti 113.9 mijë Realizimi në % 100 %

Dhënie një pagë mujore dy sekretareve gjyqësore Hervehe Tosuni , Marjanthi Kosta me rastin e daljes në pension pleqërie. Shkresa nr. 1763/1 prot , datë 10.03.2023 nga KLGJ shuma 113.920 lekë.

Në zërin investime

Për Gjykatën e Shkallës së Parë të Juridiksionit të Përgjithshëm Gjirokastër për vitin 2023 fondi në shumën 829 mijë lekë u prokurua me tender të përqëndruar nga KLGJ për blerje pajisje të teknologjisë së informacionit .

Konkretisht u realizua plotësimi i nevojës me kompjuter 1 copë , printer 3 copë, skaner 1 copë, videocamera 1 copë , Speakerphone 1 copë.

Argumentimi i kërkesës së bërë në (PBA 2023-2025) , kemi marrë në konsideratë gjendjen e pajisjeve ekzistuese, amortizimin si dhe parametrat teknikë, me qëllim mbështetjen e programeve të instaluar në to, të diferencuara sipas posteve të punës.

Të ardhurat

Gjykata e Shkallës së Parë e Juridiksionit të Përgjithshëm Gjirokastër në ushtrimin e aktivitetit të saj, realizon të ardhura nga shitja e Pullave Tatimore dhe të ardhura nga 1% e kërkesë padive.

Për vitin 2023 të ardhurat sipas zërave paraqiten si vijon:

Tabela.28

Nr	Emërtimi	Vlera
1	Të Ardhura shitje Pulla Tatimore	176.560
2	Të Ardhura nga 1% akt padi	214.689
Totali		391.249

Sipas Akt-Rakordimit vjetor 31.12.2023 me Degën e Thesarit, pjesa që i takon institucionit nga këto të Ardhura është 10% e taksës së pullës + 1% kërkesë padi, në vlerën 391.249 lekë, e paraqitur në llog. 7112100 si të ardhura nga tarifatat gjyqësore. Kjo vlerë është përdorur në masën 340.156 lekë për shpenzime për investime, pjesa prej 10 % i muajit dhjetor 50.193 lekë u derdh në fund viti në buxhet si dhe pjesa e të ardhurave të përdorura nga rritja e autorizimeve pjesa e përdorur nga çelja prej 900 lekë u derdh në buxhet gjithsej 51.093 lekë.

Të ardhurat e tjera nga njoftimet, fotokopje, sipas legjislacionit në fuqi kalojnë 100% në buxhetin e shtetit, pasi institucioni nuk përfiton si agjent tatimor nga këto të ardhura të cilat janë në shumën 64.388 lekë

- Nga të ardhurat e realizuara u krye blerje në shumën 59.200 lekë, Kamera 2MP, DS-2CD1321-I -2 MP Fixed Bullet Network Camera, HDD 2TB për sallën nr. 5.
- Nga të ardhurat e realizuara u krye blerje në shumën 179.956 lekë, grila role për sallën nr. 1,2,3,4, holli kati i dytë.
- Nga të ardhurat e realizuara u krye blerje në shumën 79.000 kondicionier inverter 12 BTU për parashomën e Zv/Kyetares.
- Nga të ardhurat e realizuara u krye blerje në shumën 22.000 lekë , SSD 240 GB Copë 4.

7. Marrëdhëniet me institucionet e tjera.

- Gjykata e Shkallës së Parë të Juridiksionit të Përgjithshëm Gjyrokastër ka bashkëpunuar në mënyrë të vazhdueshme me institucionet si Këshilli i Lartë Gjyqësor, Ministria e Drejtësisë dhe Shkolla e Magjistraturës me qëllim plotësimin e kërkesave dhe marrjen e masave për trajtimin e ankesave, kryerjen e procesit të hartimit dhe administrimit të statistikave dhe ndjekjen e trajnimit vazhdues të gjyqtarëve dhe administratës gjyqësore. Edhe në vitin 2023 gjyqtarët kanë ndjekur trajnimet vazhduese të organizuara kryesisht nga Shkolla e Magjistraturës.
- Në vitin 2023 janë zhvilluar disa takime dhe është rritur bashkëpunimi me institucionet si Komisaritet e Policisë dhe Bashkitë e Qarkut Gjyrokastër, kryesisht për përmirësimin e procedurave që lidhen me plotësimin, paraqitjen dhe shqyrtimin e urdhrave të mbrojtjes, komunikimit sa më të shpejtë të vendimeve gjyqësore me qëllim zbatimin e menjëhershëm të tyre.
- Edhe në vitin 2023, është bërë e mundur përfaqësimi i viktimave me avokat falas në rastet kur e kërkojnë. Kjo në sajë të bashkëpunimit me Dhomën Vendore të Avokatisë Gjyrokastër në bazë të listës së avokatëve që kanë pranuar të ofrojnë ndihmë juridike falas për viktimat e dhunës në

familje në gjykimet për lëshimin e urdhrave të mbrojtjes. Po ashtu, është ndjekur praktika e mëparshme për përcaktimin e listës së avokatëve.

- Problematika e evidentuar më parë në lidhje me Dhomën e Avokatëve Gjirokastër, përse i përket përcaktimit të avokatëve të gatshëm për t'u caktuar si mbrojtës kryesisht në çështjet penale, nuk vazhdon për vitin 2023 rregullisht janë dërguar në mënyrë periodike lista apo grafiku përkatës .
- Në raport me organin e Prokurorisë bashkëpunimi vlerësohet shumë i mirë, pasi nuk janë shfaqur problematika që të çenojnë veprimtarinë e rregullt gjyqësore, në aspekte të respektimit të solemnitetit të gjykimit, mosparaqitjes në seancë apo paraqitjes me vonesë, në paraqitjen me vonesë të kërkesave urgjente për vlerësimin e arrestimeve në flagrancë, urdhrave të ndalimit, etj. Po ashtu, bashkëpunimi vlerësohet shumë i mirë, edhe me institucionet e ekzekutimit të vendimeve penale. Është për t'u vlerësuar se ky institucion ka pranuar pa problem marrjen e njoftimeve qoftë edhe në formë elektronike, duke siguruar shoqërimin në kohë të personave, si dhe në mënyrë të sigurt.
- Me Policinë e Shtetit, përgjithësisht bashkëpunimi ka qenë shumë i mirë në lidhje me marrjen e masave nga ana e tyre për shoqërimin në kohë dhe në mënyrë të sigurt, të personave të arrestuar ose të ndaluar, njoftimin dhe kryerjen e detyrave të tjera në rastet e “urdhrave të menjëhershëm të mbrojtjes”, etj.
- Në lidhje me shoqërinë “Posta Shqiptare” sh.a., siç u parashtrua më sipër, janë shfaqur problematika, në lidhje me cilësinë dhe shpejtësinë e ofrimit të shërbimit për realizimin e njoftimeve, por kemi një përmirësim në raport me vitin paraardhës.

V. KONKLUZIONE DHE REKOMANDIME

- Edhe pse mungojnë aktet normative që të përcaktojnë ngarkesën maksimale të çështjeve që mund të përballojë një gjyqtar, në mënyrë që të ushtroj normalisht funksionin, vlerësohet se gjatë këtij viti gjyqtarët kanë pasur një ngarkesë pune shume të lartë në raport me vitin paraardhës. Plotësimin dhe shtimin e numrit të përgjithshëm të gjyqtarëve, referuar organikës të Gjykatës së Shkallës të Parë të Juridiksionit të Përgjithshëm Gjirokastër prej 7 anëtarësh .
- Në përfundim të kësaj analize si prioritet do të jetë angazhimi i gjyqtareve dhe administratës së Gjykatës Gjirokastër për të pasur si objektiv kryesor të punës së tyre në vitin 2024 zbatimin e ligjit, dhënien e drejtësisë në përputhje me legjislacionin në fuqi, me shpejtësi dhe transparencë në mënyrë **që drejtësia jo vetëm të bëhet, por edhe të duket** duke siguruar standartin më të lartë në garantimin e lirive dhe të drejtave të qytetarëve.
- Objektiv kryesor pas ndryshimeve të rëndësishme që kanë pësuar ligjet procedurale penale dhe civile, mbetet përafrimi dhe zbatimi i tyre në një terren me një infrastrukturë jo të përshtatshme e mjaft të vështirë në të cilën ndodhet sot Gjykata e Gjirokastër. Aktualisht një pjesë e rëndësishme e ambienteve të gjykatës nuk është në dispozicion të saj për shkak se një pjesë e zyrave janë në përdorim nga Prokuroria pranë Gjykatës së Shkallës të Parë të Juridiksionit të Përgjithshëm Gjirokastër, nga Zyra e Përmbaramit Gjyqësor Gjirokastër dhe nga Avokatura e Shtetit Gjirokastër. Kthimi i këtyre ambienteve Gjykatës do të krijojë mundësinë e krijimit të një ambienti të përshtatshëm për mirëfunksionimin e kësaj gjykate.

Dëshiroj të shpreh në emrin tim, të trupës gjyqësore dhe stafit të Gjykatës së Shkallës të Parë të Juridiksionit të Përgjithshëm Gjirokastër angazhimin tonë maksimal për rritjen në vijimësi të performancës së kësaj gjykate.

Gjirokastër, më 02.04.2024

ZV/KRYETARE E GJYKATËS

SUELA DASHI